

敬業堂詩集

冊二



敬業堂詩集卷五目錄

踰淮集

歸自江右隨有燕山之行示別家人

錫山舟次遇外舅陸射山先生自淮南歸

過二瞻兄維揚寓齋兄有贈行詩次韻酬別

兩發宿遷

鄰城道中

沂州送錢玉友往新城

伴城旅店次徐子大壁間韻

齊河

晚抵晏城次壁間韻

渡蘆溝橋

京師中元詞二首

憫農詩和朱恆齋比部

將有西山之遊次謝方山員外見貽

原韻

松林寺

晚抵退谷與大司空朱右君先生露坐啜泉

從水盡頭步上五花寺閣

宿隆教寺僧房

從水盡頭步上五花寺閣

臥佛寺

金章宗手植松在壽安山西嶺上

碧雲寺後一山皆內監葬域中有豐碑二統刻魏忠賢里居官爵甚詳守

僧云忠賢自為生壙本朝初年忠賢名下葬其衣冠於此恨無有力者

陪其石也

冒雨至香山晚宿來青軒

同吳六皆陳叔毅湯西厓宿摩訶菴

重陽前六日同翁元音彭椒崑錢玉

白鸚鵡次魏環極先生原韻

友朱遠度吳六皆陳允大叔毅沈客子湯西崖談未菴家荊州聲山小

集分韻

九日讌朱大司空花莊次韻

送六皆歸杭並寄章豈績馮文子嚴

定隅二首

嚴獲菴侍御招同惠研溪吳天章王

咸中王孟穀朱西峻喬無功陳叔毅湯西崖小集即席分賦

與研谿別後疊前韻寄之

汪東川宮贊屬題秋林讀書圖時汪

送大司空魏環極先生子告還蔚州

給假將歸

二首

送陸蓬叟之井陘

叔毅見示初度述懷詩有感而作 研溪索題紅豆齋詩冊二首

題惠研谿崢嶸集次汪蛟門原韻三首

燕臺雜興次學正劉雨峯原韻十首

冬日張園雅集同姜西溟彭椒菴顧九恆惠研谿錢玉友魏禹平蔣聿修

王孟穀張漢瞻汪寓昭陳叔毅湯西厓馮文子談震方家荊州聲山限

韻

與張漢瞻次侯大年韻

送少詹王阮亭先生祭告南海 題田綸霞少參山薑詩後

小除夜椒菴招同沈韓錫陳叔毅談未菴家聲山集王巖士樞部齋限韻

次椒菴寒夜書感見示原韻 除夕飲許時菴先生寓齋二首

敬業堂詩集卷五目錄

敬業堂詩集 卷五目錄

...

...

...

...

...

...

...

...

...

...

...

敬業堂詩集卷五

海寧 查慎行 悔餘

踰淮集 起甲子四月盡一年

甲子夏遊學京師始渡淮而北客有賦涉淮以壯余行色者敬謝之曰君不聞橘踰淮且化為枳乎余方虞余之失其橘性而與枳為類也

歸自江右隨有燕山之行示別家人

南北勞勞但可嗤流光瞥過少年時祇緣累世留門戶那得此生無別離斗酒且禁連夕醉長箋難和送春詞勿論向後愁深淺已覺燈前鬢有絲

錫山舟次遇外舅陸射山先生自淮南歸

落帆當激浦曲岸轉擊音已感骨肉語兼傷去住心斷雲晴出岫老鶴暮歸林莫作俱飄泊翁今白髮深

過二瞻兄維揚寓齋兄有贈行詩次韻謝別

征衫初換且停橈一日江程兩信潮欲去郵亭塵滾滾乍來岐路馬蕭蕭詩文

價定人爭購書畫船輕客待邀劈紙風流看好在綠楊回首記紅橋

雨發宿遷

苦被林鳩喚雨多北風獵獵渡黃河不辭滑路衝泥去且免驚沙刮面過一騎
鱗魚仍入貢十年瓠子尙聞歌饑荒接壤人方說愁見城南豕涉波

鄒城道中

蹇驢三四驛平野入飛沙白日孤城閉清沂一道斜井疆鄒子國風物魯人家
漸與淮南異村村枳棘花

沂州送錢玉友往新城

又作殊方別春衫客泪收但須眠食健莫話短長愁鄉夢經蠶月人情望麥秋
黃雲天四合何處辨青州

伴城旅店次徐子大壁間韻

淺草平陂極望通客程漸入亂山中坐消髀肉全無爲貧檢詩囊幸未空沙磧
涼生蕎麥雨茅檐香過棗花風却愁長日行難到又指斜陽一抹紅

齊河

關城餘霸氣雞犬入齊風山豁平沙外天低小縣東魚鹽知俗古豚酒祝年豐
別有雄繁意休誇管晏功

晚抵晏城次壁間韻

目力窮邊酒旆生熟梅天愛偶然晴高樓吹角風無賴壞壁留詩客有情紅日
忽沈煙起處白楊長遞雨來聲萬山回首如屏障一片平蕪接晏城

渡蘆溝橋

草草漁梁枕水邊石湖詩裏想當年誰教螿石通南北鐵軸銀蹄一例穿

金史章宗

明昌元年始建蘆溝石橋

京師中元詞二首

萬柄紅燈裏綠紗亭亭輕蓋受風斜滿城荷葉高錢價不數中原洗手花
銅盤小拍坐張燈手指城東滿月升從此夜遊涼似水漸無人賣擔頭冰

憫農詩和朱恆齋比部

豳風本王業稼穡知艱難立政務明農化理自古然我從田間來疾苦粗能言
請陳東南事約略得其端初冬下菽麥深溝及春前根株載培護益使土力堅
麥黃未及秋晚蠶又催眠祈晴三四月雨水翻連綿針水分稻秧襪襖行耨田
時方仰膏雨杲杲恆當天炎威一熏灼泥淖同熬煎委身沸湯中辛苦少所便
好風槐柳下欲往不暫閒老耨亦靡寧桔槔遠吸川或防霧損花又恐蟲傷根
半年壟畝畔力竭心亦殫如此冀西成食報理或存但令畝一鍾歲事幸告竣
私租入富室公稅輸縣官所餘尙無幾未足償勤拳況逢水旱加往往多顛連
逃亡等無地芻牧肯見憐高位有仁人垂聽宜惻焉所以古大臣農事恆惓惓
流移進圖繪咨傲陳風愆有時亟施賑詔旨輒擅專有時撫瘡痍逋賦請悉蠲
不上封禪書不獻羽獵篇乾坤生生機君相操微權一念苟憫卹惠風自遐宣
矧今 天子聖綏邦必豐年

將有西山之遊次謝方山員外見貽原韻

勞生莽莽咲塵機又向燕臺換袂衣出郭人如秋澹蕩入山天愛雨霏微閒拖

竹杖尋詩瘦賤買村醪覓伴稀
羸得謝家新句好澹忘隨處領清暉

松林寺

含煙含露一梢梢
花果禪扉鎖合牢
野鳥不知園有禁
隔牆啣出紫蒲桃

晚抵退谷與大司空朱右君先生露坐啜泉

晚色秋光帶遠垆
眼明初喜見涼螢
汙流噴石渾疑雨
老樹交陰合有亭
照影

豈能忘盥漱
出山誰復辨清泠
僧尙記曾來客
一縷茶煙話酒醒

公不到西山二十八

年矣老僧猶能說舊遊時事

宿隆教寺僧房

最愛塔墀細雨中
瓦盆高下列芳叢
白花紅子皆秋意
斟酌西窗一夜風

從水盡頭步上五花寺閣

數折溪橋接水源
亂鴉高樹又村前
路危礮阻千重石
山偏窗開一面天
佛界

偶來宜白晝
帝城難辨是蒼煙
留詩莫作匆匆去
勝境吾將借榻眠

臥佛寺

古寺無僧倚墻臥聽蝙蝠掠空廊晚來光景尤蕭瑟葉葉西風戰白楊

金章宗手植松在壽安山西嶺上

壽安山頭一老松從下仰視青童童羽衣仙人擁蓋立柄短却作偃僂容我思
躡屩苦無伴范老性華興到許我從婆娑初自枝亞入中乃可置一畝宮四傍四
枝分四面側理橫出交蓬鬆東西南北不相顧意到各自成虬龍中間大枝裘
挈領高勢一攬收羣雄其旁峭壁截牙角直下千尺方藏鋒蒼髯翠尾掉空際
蜿蜒飲澗天投虹千山萬山似搖動鱗甲未斂雲濛濛須臾夕陽轉西麓脅下
戛戛生微風一聲老鶴忽飛出竽籟散入隣菴鐘老僧指似時代古手植傳自
金章宗是時朔南罷兵革貢使一一舟車通明昌泰和號極治擊毬詐馬習俗
同近郊亭館恣遊宴逐獸不入深榛叢遺山野史有深意國亡事去忍更攻孤
臣飲泣記舊恨肯畏後世譏不公洗粧樓空春月白射柳圍廢秋花紅一朝故
物獨留此鬱鬱幸自蟠蒼穹爾來四百四十載坐閱桑海如飄蓬輪困差堪伍
社櫟瀟灑猶足驕秦封君不見報國門前數株樹托根悔落塵埃中

碧雲寺後一山皆內監葬域中有豐碑二統刻魏忠賢里居官爵甚詳
守僧云忠賢自爲生壙本朝初年忠賢名下葬其衣冠於此恨無有力
者培其石也

碧雲臺殿倚雲端香火幡幢屬內官一代賢奸青史定兩朝黨籍白碑殘松杉
暮雨鴉音革羊馬秋風石骨寒却吟山靈無藉在猶容廁鬼瘞衣冠

冒雨至香山晚宿來青軒

曲磴初從鳥道攀短牆東面抱灣環九重城闕微茫外一氣風雲吐納間暝色
浮鐘來別寺秋聲分雨過前山紅塵那許高千尺任放層軒擁翠鬟

同吳六皆陳叔毅湯西厓宿摩訶菴

禪榻吹燈睡不成棲烏枝上已三更紙窗一面朦朧月只道秋聲是雨聲

白鸚鵡次魏環極先生原韻

古有雕籠戒今看負質奇編衣窗外月白雪隴頭枝太潔從人忌能言被俗疑

商山留羽翼皓首托風期

原詩有秋陰高漠漠是爾入林期之句蓋公歸志已決矣

重陽前六日同翁元音彭椒崑錢玉友朱遠度吳六皆陳允大叔毅沈

客子湯西崖談未菴家荊州聲山小集分韻

青袍紅燭影相銜劈紙心情故不凡柿葉庭空聞朔雁蘆花水淺夢南帆探驪
有客曾驚座歸燕無詩亦畏讒開口勿輕談世事尊前除飲便須緘

過顧培園編修新寓

不遣輕塵點鬢華斯人直比玉無瑕蜘蛛屋角垂垂露蟋蟀塔除豔豔花半枕
茶煙清畫閣一窗香篆煖文紗從今唱和貪多暇底用題詩苦憶家

九日讌朱大司空花莊次韻

漠漠秋蕪一望開驚心節物帝城隈閑招南國騎驢客來上西風戲馬臺人與
黃花同白社烏隨紅葉下蒼苔六年此度天南北己未在荊州庚申在銅仁辛

湖在西惆悵名園又舉杯

送六皆歸杭並寄章豈績馮文子巖定隅二首

風急颭鳴沙外村轉蓬何意復歸根多時白髮思遊子依舊青衫出國門光範

三書原失策渭城一曲最銷魂買田只合山莊住珍重天涯贈別言

黃葉黃花媚晚晴酒旗茅店一程程稍嫌壓鬢邊沙重不礙衝寒布被輕夢短
賸留他夜話計偕稀上故人名得歸我亦抽鞭去忍向桑乾聽雁聲

嚴籟菴侍御招同惠研溪吳天章王咸中王孟穀朱西峻喬無功陳叔
毅湯西崖小集卽席分賦

相逢塵坱中交臂面不熟雅人著懷抱有如瞳在目侍御鄉國賢未見意久屬
司闈戒勿拒徑造少躑躅一月三過從看到秋殘菊長安多讌會熱客後先續
長揖容吾曹情深感君獨紅豆致蕭淡河東才屈曲石隴光走珠漢陽璞藏玉
髯陳好儀表大喬絕谿谷小朱及瘦湯秀發秋眉綠廁我數子間傭保坐擊筑
淋漓取盡興豪爽一破俗逃觴或竟去下榻或信宿戲具雜博籥古音披簡牘
狂言醒不禁好句互傳讀坐令布衣交放誕惟所欲甘從平原遊不學步兵哭
吾生莽無涯疲鸞信兩足玉川洛城居并少數間屋未能逃空虛時復累口腹
所嗟才地劣徑路故窄起諸君湖海士相輾適如輻倫不鄙迂疎前期幸交勛

與研谿別後疊前韻寄之

我從湯子交耳君名已熟初來長安城欲見塵眯目名園一杯酒邂逅情未屬

余識研溪於趙
恆夫農部席上

別時蓮蕊紅懷刺久躡躡忽忽秋向老花期過黃菊晚赴嚴公

招名流趾相續森然授几席後至惟爾獨衆中造膝談稍稍致款曲湯言不我欺伊人果如玉似從坡陀遊迤邐遷入崖谷松篁幽徑轉照我鬚鬢綠石潤斂雲霞泉清作琴筑對之浮氣盡亟取藥吾俗曲尺移木牀醉留同一宿男兒屬有才未了三千牘買田歸可種買書行可讀委身俛仰中初念固不欲況當搖落候有痛忍輕哭涼燈一穗花夜半開未足浙瀝風洒窗淋浪雨鳴屋明朝門外路泥淖驢沒腹連鞍共君出寸步苦局趂紛紛疾走兒馬騁車脫輻卽此慎所之久要互相勛

汪東川宮贊屬題秋林讀書圖時汪給假將歸

似曾依樣買林皋只愛攤書不蓋茅
榦老從添鴉點葉影疎初見鵲成巢
好風開卷聲相遞古墨分香手借抄
怪得先生官況懶畫中光景十年拋

送大司寇魏環極先生予告還蔚州二首

曳履星辰二十年，尚書襍被故蕭然。勇能自斷天難奪，清畏人知世已傳。白社竟成娛老地，黃金不貯買山錢。閒雲一片秋寥廓，何限風光倚杖前。

嶽嶽寒松表

御書

寒松堂公臨行時御書賜額也

新堂歸到好懸車，身名似此真無媿。進

退何人綽有餘，報國文章傳後起。

謂無偽中翰

立朝風骨想當初，不因祖帳東門道

太息方煩比二疏

送陸蓬叟之井陘

不道西遊爾許難，萬峯高下渡桑乾。亂鴉雪緊荒程暮，叢雁天低斷角寒。燕市莫尋當日伴，并州且作故鄉看。到時尺素煩馳寄，及與梅花報歲闌。

叔毅見示初度述懷詩有感而作

與君世好幼同里，其室則邇其人。遐年踰三十，未識面各被衣食。驅天涯，余顏顛頽變黑瘦，攬鏡未免頻咨嗟。子髯毳毳長一尺，瀟洒亦復沾塵沙。燕山此來忽交臂，相視莫逆心。靡他衝風冒雨，屢相過。朗吟狂咲聲，謹譁行時肩從坐。齒

序愛比兄弟豈有加一朝顧我歛不樂刺眼怕看重陽花叔毅生辰在九月九日新詩一

篇把似我音調慘裂如秋笳對之思苦難卒讀冰雪入口冷戰牙看君烟烟具

至性母喪未闋衣仍麻泪痕往往在枕席皋魚岐路憐京華憶余浪跡走絕徼

未夏四月初辭家先君下世纔一載面目赧汗逢人遮平生粗知奉禮教豈敢

自外傷芸瓜至今肝腸抱至痛視息毋乃同豚豶歸田但祈免溝壑此願易給

原非奢天於我輩胡獨忍故令具體蒙疵瑕子今襟期頗澹漠西溪片瓦已可

賒塵埃洞瀕一回首便欲策蹇乘柴車幾時真約結隣去對門老樹枝槎枒

研溪索題紅豆齋詩冊二首

東田西澗勢相參此本如今恰有三一點丹砂非俗物居然鼎足占江南吳中紅豆

三本一在拂水山莊一在王奉嘗東田一在青溪堂即研溪近居也

薄遊久欠買山資齋笏初安負一枝但使主人長閉戶樹名何取號相思

題惠研谿崢嶸集次汪蛟門原韻三首

不成吟上紫薇亭翡翠琉璃并作屏一事比渠差較勝自編佳句付樵青

紕繆論才本不多詩家勁敵許誰過不須綽板尊前度搖膝聽君喚奈何
硯齋吟吻暖生春推爾亮峯步後塵賴是老元偷格律知音此外斷無人

每被老元

偷格律樂天語也蛟門舉似研谿故借作轉語

燕臺雜興次學正劉雨峯原韻十首

九關王氣鬱千秋如此風光蕩客愁東路雲垂遼海闊北條山勒太行收天蟠
宮闕瞻螭尾地擁塵沙散馬頭老柳不禁吹笛意夕陽疎影傍高樓

千古荆丹事最奇誰教秦騎竟橫馳漁陽鼓動天方醉督亢圖窮悔已遲他日
酒徒猶擊筑向來博道抵爭棋無聊尚有酣歌會不似東方但苦饑

北史流傳樂未央上都幾處闌球場幕南地空聞傳箭花外樓高見洗粧紫色
蛙聲雄八族烏衣馬糞笑諸王分明裂帛湖邊月及照三朝舉國狂

十三陵古隔巖關往事低摧父老顏黃鳥哀歌經國恤紅巾新籍點朝班金戈
運啓驅除會玉匣書留想像間斫却冬青人盡識袞恩羊虎尙斑斑

直放江湖日夜東異時黨論比狂風清流禍起名賢盡甘露謀疎國運終一紙

興亡看覆鹿千年灰劫付冥鴻時平翻幸吾生晚不見郊原戰血紅

班馬文從一代編世家人物數華顛藏書已獻言何諱焚藁無期客問年莫道
汗青從蠹蝕好憑頭白寫蠶眠諸公袞袞皆才彥珍重須教信史傳

帳殿崔嵬令闐寥凱歌連歲奏鉦鏡雲深雁路朝盤馬雪點狐裘夜射雕都護
玉門關不設將軍銅柱界重標職方別載魚龍國唉指烽煙薄海銷

恩波一夕滿江湖下詔蠲租例久無忽見黔黎咸感涕始知草野愛微軀龍船
旗鼓三江戍馬韜雲霞五岳圖盡道登封儀注古秦松容易比貞符

朱門檠戟列東華金谷筵開辦咄嗟雪甕分漿噉檣柹霜刀剪韭妬萌芽歌喉
欲斷從絃續舞袖能長聽客誇贏得狂生無藉在欲檢書籍問東家

百分一棹過觥船何限關河載酒前投筆生涯經絕域定巢歸計失驚絃縱橫
野馬羣飛路跋扈風箏一綫天曾是征南舊賓客摩挲髀肉也潸然

冬日張園雅集同姜西溟彭椒崑顧九恆惠研谿錢玉友魏禹平蔣聿

修王孟穀張漢瞻汪寓昭陳叔毅湯西厓馮文子談震方家荊州聲山

限韻

丈夫置身非廟廊便合食力勤耕桑誰教鹵莽走京洛去住兩策無一長天公
似憐太坎壈一事獨許平生償招呼朋好作痛飲逸足快脫籠頭韁城南小莊
如畫裏樹頭一扇風旗張忽從空曠入叢薄積雪寒峭屏山傍籬根涸池受落
葉窗面破紙穿斜陽圍爐坐密氣漸煖稍覺冬律回春光大杵蒸菜菔薑辣滿
甕印酒開泥香蒲蔔已充筵上果但見枯蔓牽隣牆初拈險韻門傑句旋徵雅
令搜枯腸須臾耳熱更豪劇角逐兩兩爭低昂傍人却問何所樂我亦自咲狂
夫狂三年隻身走萬里絲路裊裊衝蠻鄉豈無釣藤蠻中酒名拚獨酌意緒冷淡難
禁當翻身勇決作歸計又被饑餓驅遊裝別人騎馬我徒步鍛羽無分追高翔
行藏眼底但如許有意排遣終悲涼風流見賞古不乏跌蕩慎勿矜辭章明朝
定傳好事口指點此地成驩場安知酒徒積放意不欲與世衡鋒鏖城頭鴉啼
客盡散獨立四顧神蒼茫

與張漢瞻次侯大年韻

竹垞今名家從君賞文格每逢最佳處輒爲浮大白自抱萬卷書羞隨五侯客
養親冀一第歲月去已積變體爲時文頻遭按劍斥皇天老眼暗才地每相厄
何妨掃蛾眉稍稍傅粉澤肯違靜者性彼好此不易

送少詹王阮亭先生祭告南海

祝融南都水環匯赤龍渴飲九州外扶桑日枝萬丈高吞吐晨昏變明晦颶風
磨旋鬣帆片蜚雨珠沈蛟室琲幻呈綵縷現蜃樓淡入蒼煙失鰲背不知靈封
畫何境禹鼎無從辨疆界元和一老去作碑廟貌千秋遂稱最茫茫元氣收不
盡好手何人復堪代康熙甲子 帝東巡特遣軺車告時邁瑯邪先生御命往
嶺嶠星明指華蓋祠官奉幣紛趨蹌天使陳辭虔跪拜靈旗蕭蕭雲蓬蓬一氣
流通百神萃向風海鳥聽鐘鼓有眼蠻人識冠帶時清邊徼無烽燧道遠詞臣
多紀載公之文章在館閣每借名區發雄概曩時蜀道今海邦盡洩光芒天不
愛後先人物諒無幾才地彼此恆相待所傷或從遷謫到終恐才鋒束機械如
公擁傳真壯遊直放胸期寫豪快豈徒榮遇際曠典已見風流壓前輩佛桑花

發啼鈎駟幾日歸航下瀧瀨還朝快示紀行篇浩浩洪波納千派旁人若問陸
賈裝徑尺珊瑚手親碎

題田綸霞少參山薑詩後

得從京國數追隨真愛山薑一卷詩佳處不嫌千遍讀識君翻恨十年遲古人
可作心相許同調無多論稍卑便欲借抄煩乞予手彈紅燭寫烏絲

小除夜椒崑招同沈韓錫陳叔毅談未菴家聲山集王巖士樞部齋限

韻

蠟燈垂燼夜厭厭寒薄重裘雪滿簾得路才華同輩少

椒崑刻管
瑜集初成

畏人心跡擇

交巖座中放論歸長悔醉裏題詩醒自嫌等是關山牢落意年年馬齒路傍添

次椒崑寒夜書感見示原韻

多生積習未全除烏有何勞問子虛四壁燈明孤影外一官霜逼二毛初也知
作客年年慣若論謀身種種疎比似無家還較勝叩門連夜得兒書

除夕飲許時菴先生寓齋二首

南衝煙瘴北風沙每到殘宵輒憶家
土銼光陰飛石火瓦盆消息候梅花
百觚濁酒澆愁緩一杵疎鐘警夢賒
草草行藏十年事寒鐙影裏又京華

小閣圍爐薄雪侵坐移宮漏夜方深
最憐入座聞吳語轉遣思鄉動越吟
射虎殘年留想像亡羊岐路判升沈
對床未易論前事倚賴鳴雞激壯心

敬業堂詩集卷五

小閣圍爐薄雪侵坐移宮漏夜方深
最憐入座聞吳語轉遣思鄉動越吟
射虎殘年留想像亡羊岐路判升沈
對床未易論前事倚賴鳴雞激壯心

賈楚野只取取平雅

得神吟雅集日...

敬業堂詩集卷六目錄

假館集上

乙丑元日立春

人日和朱大司空作

錢幼鯤將遊江右以詩留別和送一首

鳳城新年詞八首

花朝前四日朱大司空招遊南莊同

田荆巖編修作

石隴山莊為王咸中賦即送其南歸

疊舊韻送研谿南歸三首

春分前一日再遊南莊

刑曹關內馬公出知杭州謹呈古體一首

上巳後二日同楊耑木出彰儀門次日抵涿州馬上口占

奉陪朱大司空松林看杏花同吳楞香許時菴王薛澱吳匪菴諸公分韻

卷二首

鳳阿山房詩為侯大年題冊

送徐毅菴歸梅里

送祝彥方落第南還

次德尹見懷原韻二首

送楊耑木歸里兼寄朱日觀錢昭平

朱與三王子穎陳補思寄齋諸同學

端陽後一日同人集朱竹垞表兄齋分韻

送郭皋旭歸平湖

畢鐵嵐僉事將督學貴州在問黔中

風土短章奉答兼以送行

送葛受箕赴建陽丞

喜外舅陸射山先生至都六月望後為先生初度同學數子置酒容園為

壽敬賦長句四首以侑觴

送李蒙山回嘉禾任次外舅韻二首

苦雨次少司馬楊以齋先生原韻二首

一日再遊南菴

柬朱竹垞表兄時移居古藤書屋

訓別鄭寒村

范性華徵君屬題陳憐小影

送聲山姪之湖口二首

墮馬歌為朱悔人賦用李茶陵集中韻

上少司成徐蘋村先生二首

送周雪客赴太原藩幕兼訊安邑丞

陳六謙

題張漢瞻望雲圖兼送其歸膠城

送汪寓昭南歸

送何雪神宰溧陽

周廣菴編修席上分賦秋蘆十六韻

秋夜集古藤書屋時梁藥亭將歸南海聯句送行

再送梁藥亭次大冶司農原韻

王黃湄給諫屬題紅袖烏絲圖二首

重陽後一日長椿寺讌集聯句

送侯大年歸嚳城

顧培園宮贊寓齋燈下賞菊探韻限爲字

劉兩峯兼飲齋小集

禹平南歸詩以志別

燕臺歲寒雅集同王后張錢越江顧九恆彭椒崑吳萬子孫愷似王崑繩
錢玉友徐子貞高遠修孫子未王巖士陳叔毅湯西厓談未菴馮文子

俞大文家荊州作二首

偶過史胄司編修齋賦贈

敬業堂詩集卷六目錄

海峽叢書

前大校事... 謝敬史官同... 謝敬史官同...

謝敬史官同... 謝敬史官同... 謝敬史官同...

謝敬史官同... 謝敬史官同... 謝敬史官同...

謝敬史官同... 謝敬史官同... 謝敬史官同...

謝敬史官同... 謝敬史官同... 謝敬史官同...

謝敬史官同... 謝敬史官同... 謝敬史官同...

謝敬史官同... 謝敬史官同... 謝敬史官同...

謝敬史官同... 謝敬史官同... 謝敬史官同...

謝敬史官同... 謝敬史官同... 謝敬史官同...

敬業堂詩集卷六

海寧 查慎行 悔餘

假館集上

起乙丑正月盡一年

甲子秋闈被放將出都適黔撫楊公內擢少司馬相留邸舍丙寅冬公以養親告歸臨別檢點詩笈得若干首蓋從公唱者無過數篇餘皆應酬雜作分上下兩卷

乙丑元日立春

忽於此地逢元旦况復斯晨屬早春萬里關河雙眼雪半年衣袖六街塵閉門客少詩初就老硯冰堅墨未勻擬遣家僮擇歸日曆頭愁換一行新

人日和朱大司空作

纔到春晴馬意驕金溝流水玉河橋東風吹綠鱗鱗活倒捲餘寒上柳條

錢幼鯤將遊江右以詩留別和送一首

西江吾舊到爲爾唱驪駒山縣稀逢驛風帆健過湖別離無善狀貧賤有長途

草色春衫外飄零奈酒徒

鳳城新年詞八首

萬歲山前百戲陳內城排日作新春金錢多少纏頭費半出朝元會裏人

綺羅珠翠極鮮新襦袴誰憐雪裏貧一樣昇平好時節兩宮春帖進詞臣

杏黃韁配紫貂鞍天子親祠祈穀壇前隊不教傳警蹕萬人齊傍馬頭看

纔了歌場便賣燈三條五劇一層層東華舊市名空在靈祐宮前另結棚

雀翎風細遞傳呼三日君恩有賜酺飛放泊前騎馬入文官班次執金吾

巧裁幡勝試新羅畫綵描金作鬧蛾從此剪刀閒一月閨中針線歲前多

添得樓中幾日忙簇新裙帕紫姑裝一年休咎憑伊卜拍手齊歌馬糞薌

繭紙輕敲作鼓聲御環絡索鐵錚錚踏歌連臂同兒戲何限年光付送迎

花朝前四日朱大司空招遊南莊同田荆巖編修作

馬首年光柳色新郊原一榼去尋春題詩我是重來客稱意花如舊識人青嶂

捲簾晴帶雪好風擡袖座除塵公如早爲蒼生出絲竹陪遊得幾巡

石鵑山莊爲王咸中賦卽送其南歸

十載才名滿帝都明朝襍被竟歸吳重穿曲逕尋蒼鵑獨上高樓望太湖放艇
有人春載酒打門無吏夜催租眼前此境殊難得或恐桃源但畫圖

疊舊韻送研谿南歸三首

軟塵堆裏出都亭却指家山入畫屏筭到清明沙路盡一鞭淮岸柳條青
陌上重聽緩緩歌家如傳舍偶經過一身有母尤應惜負米終如欲出何
辛苦京華二十春枉緣篝火勘窮塵有才如此吾猶惜未必天終老是人

春分前一日再遊南莊

每從遊賞發詩端草色烟光漸滿欄興到不辭連日醉春分猶剩幾朝寒晴邊
苑路差宜馬低處花枝欲礙冠二十四番風信在與公一度一來看

刑曹關內馬公出知杭州謹呈古體一首

名賢展經綸動與事權會何當量才地屑屑較儕輩明公蘊蓄奇出手世無對
關中昨寇亂豕突掩不戒公時在鄉閭倉卒發雄概一呼集義勇指畫定向背

登陣氣勢壯強賊逡巡退守土非無人儒生握成敗上功得州牧報績果稱最
迴翔歷曹郎再使聲華沛蔚州老司寇許子少置喙推公賢且能謂足歷當代
昨來權北關吾杭扼要害流風揖士子積弊剔黜儉至今蔽芾棠勿剪頌遺愛
大廷崇吏治一例視中外此郡復煩公托付意有在府治統九城東南江海匯
連山際西北中畫吳越界繁華昔或然疾苦今百倍婦女力蠶桑丁男勤耜耒
先時辦公稅絲穀長早賣供億苦多門奸胥巧科派弱同几上肉色有豐年菜
况今兵燹餘水旱互痼瘵千里水陸衝六年轉輸億稍期甦喘息亟望爬瘡疥
租從 巡幸蠲圖覲流亡繪公今乘傳出膏雨行當霑兒童騎竹迎父老扶杖
拜賤子本部民饑驅走邊塞歸耕自茲決直欲從公邁

上巳後二日同楊端木出彰義門次日抵涿州馬上口占

放慢遊韁信意行不教馬力困兼程草低天遠盧龍塞柳暗烟濃涿鹿城遷次
心情移客夢蹉跎鄉社負躬耕杏花開過清明節猶記橫簫聽賣錫

奉陪朱大司空松林看杏花同吳榜香許時菴王薛澱吳匪菴諸公分

韻二首

偶逐肩輿出郭行
蹇驢斜照一鞭橫
平分節物歸僧舍
背指風沙帶帝城
好鳥啼能添野趣
晚花開及向春晴
作詩自取排吟興
何必留題識姓名

煖烟濃霧互交加
樹裏孤亭四面遮
杏酪已調初改火
松濤忽瀉正烹茶
內官老作茆菴主
遠客閒看禁苑花
果園已屬內廷
多謝東風不相笑
一枝歸壓帽簷斜

鳳阿山房詩爲侯大年題冊

畫藁吟多手自芟
桐花昨夜夢千巖
羽毛大好君應惜
從此歸飛正不凡

送徐毅庵歸梅里

綠槐陰下一條街
五度東風感計偕
路盡始知村舍好
調孤肯與俗工諧
雲開馬首重經嶽
毅菴歸途將登泰山
絮暖鯢魚恰渡淮
想到溪南好風日
家人已製筍皮鞵

毅菴不喜著鞵故云

送祝彥方落第南還

來何艸艸去匆匆
帝里春殘悵別同
歸燕吟成芳草外
跨驢人老落花中
枉緣

腰扇遮西日悔逐烏裘障北風駱賓王詩烏裘十往還勸爾一杯須作達畫眉何取入時

工

次德尹見懷原韻二首

倦飛無力出風塵每對來書輒損神失路又成三歲別賣文何補一家貧浮生泛梗仍孤影上苑攀花偶故人多少五陵裘馬地等閒狼籍路傍春爛醉旗亭得幾場鄉愁如海詎勝量花紅村社巢邊燕草綠春陂雨後羊每送歸人因得句漸消奇氣不成狂便思短策飄然去檢點征袍已入霜

送楊耑木歸里兼寄朱日觀錢昭平朱與三王子穎陳補思寄齋諸同

學

悵斷河梁又一回留真無策去徘徊能傾國時方妬曲到知音調始哀別語感君如骨肉故人疑我竟塵埃相逢為話狂猶昔只是生疎酒伴來

端陽後一日同人集朱竹垞表兄齋分韻

愛君庭戶清絕比似長松夏寒荷柄香含風慢櫻珠紅吐冰盤閒人不妨鬥酒

樂事無如去官同是江湖倦翼可憐萍聚長安

送郭皋旭歸平湖

屢卜行期又屢愆一官空憶廣文氈飽經世味貪歸路老傍時名狎少年席帽
白堆蓬鬢雪布帆青入柘湖天倦遊未必非良策萬頃烟波待釣船

畢鐵嵐僉事將督學貴州枉問黔中風土短章奉答兼以送行

浪遊我昨趨黔境一線乾坤歎蹭蹬辱公就我來問塗臨別能無片言贈此邦
風物口能說筆墨形容反難罄但從記憶得大凡一一舟車往堪證荒程杳邈
六千里冷署蒼涼十三郡荒山無樹茅紛披亂水分溪石綿亘金蠶閃閃夜放
蠱苦霧濛濛晝埋穿經過密箐偶逢人雙眼睚眦語難聽裏頭黑羅氈覆膝赤
脚花苗裙及脛呼同山鳥似有名籍隸官司總無姓其中一二稍秀拔略解詩
書誦賢聖憑將流寓較土著有似蓬麻草中勁卅年沉復兩遺亂子子殘黎偶
然剩此時收斂加冠巾亟賴名賢計安定先生制菽傳海內鑿括家家奉龜鏡
昨年選曹得兩浙私爲鄉人喜稱慶

公赴銓選初除浙江學使已而改授

朝廷有意變成格使者

移官膺 後命勿輕荒傲愁遠宦此去依然執文柄五丁力在山為開尚闢蠶

叢作蹊徑苗民雖頑亦人類向化何嘗絕天性從來教養視人事豈謂聲呼無

響應幕中浦郎功傳况才士唱和溪山好乘興公聞此語當驟然快束行裝倚鞭

鏡

送葛受箕赴建陽丞

南行風土近鄉關路轉三衢第幾灣簿領老除新佐貳幔亭天與好溪山松間

日影哦詩過花下文書判尾還葛工楷書如此襟期原不俗宦途有味是蕭閒

喜外舅陸射山先生至都六月望後為先生初度同學數子置酒容園

為壽敬賦長句四首以侑觴

幾遍芒鞋踏帝畿星埃頭上片雲飛漸除豪氣終違俗纔卸行裝便憶歸晚節

尚餘文筆在舊遊併覺酒人稀清時肯擅徵君目收取聲名待拂衣

夜夜星明處士天青山高臥奈無緣癸辛志每隨行笈甲子詩多入紀年未定

草堂天寶後就荒松徑義熙前身為甫里先生裔莫咲貧無一稜田

陸魯望詩
我本曾無

一稜
田

小別回頭又隔年重瞻鬚髻轉蒼然採芝園綺今無伴善飯江湖老亦仙簾閣
日長棋算劫荷陰人去鶴看船過從最憶須雲閣老樹濃陰庇亂蟬
尊酒名園借榻餘眼中泉石自清腴同來我亦辭巢燕暫止人猶愛屋烏新沐
頭輕從鬢禿穿花步穩倩藜扶尚平此日差無累懷袖親攜五岳圖

送李蒙山回嘉禾任次外舅韻二首

敏弦歌罷水風涼碧野秋遲未剪霜報道今年官酒賤公畦小稜稊花香
衣裘容易改寒暄來往無端閱使軒歸夢隨君到蘋末白鷗飛處是田園
苦雨次少司馬楊以齋先生原韻二首

連旬暑雨不曾休邸舍焚香兀自愁猶勝万重烟瘴裏五年三伏滯炎州
剝啄聲稀退食堂生衣十日透新涼閒中筆墨能添潤一桁簾波潑硯光
柬朱竹垞表兄時移居古藤書屋

整妮牙籤萬卷餘誰言家具少于車儻居會向春明宅好借君家善本書

宋次
道居

春明坊家多藏書皆校三五編推爲善本土大夫喜讀書者
多居其側以便借抄當時春明宅子比他處僦直常高一倍

訓別鄭寒村

闌風伏雨兼旬臥晴路一鈎新月破簾前暑退得新涼門外泥深成埕坳此時
有客過言別蹩躩毛驢壓歸馱囊空隣酒賒不來醒眼相看但愁坐一篇削藁

辱佳序

寒村臨行爲余
序慎旃二集

七字留詩慚屬和余才舛陋非爾敵強以珠璣承咳唾

甬東同學屈指論往往傳經接師座

余與寒村
俱出黃門

故人再與瀛洲選

謂介眉滄一
柱兩太史一

鄭滎陽尙摧挫失羣行李獨淹泊有價文章久傳播燕山此度六往來未免征

衫被塵漉干時少術非爾病當路無援是誰過向來人盡棄所長遠到君能見

其大古人可作迺殊代同調相求凡幾箇勿將時命較窮通只許才名出寒餓

羨君有志成果決笑我無端逐游惰偶逢知己私自嘆每送歸人輒相賀荆榛

滿地羊觸藩日月周天蟻旋磨故鄉樂事殊可憶欲往從之正無那秋風一騎

不可留八月江田熟香粳

范性華徵君屬題陳憐小影

小像沉香手自熏前期如夢却疑真五湖忍負閒風月爲少扁舟共載人

送聲山姪之湖口二首

自憐萍梗尙京華勸爾江湖飯好加南北豈堪頻送別去留等是未還家遠書

到眼秋垂泪時聞輅荒兄長沙計信 隻影挑燈夜落花如許流光真痛惜校量何計穩生

涯

萬頃波心坐白鷗一天涼雨到扁舟三年廬阜虛前約往在南昌與聲山相約入匡廬度歲不果

度潯陽感舊遊帆葉依依重入夢蘆花瑟瑟正交秋青衫尙洒琵琶泣那得平

銷我輩愁

墮馬歌爲朱悔人賦用李茶陵集中韻

朱髯別家久不歸如鳥羽倦猶孤飛踵決曾穿雪中履綫綻未補秋來衣長安

城中多第宅年少翩翩好裙屐青絲絡馬裝馬鞍騎出從誇新買得髯乎足不

出戶庭塵高十丈看橫行忽然欲詣良友酌正坐倚壁空餅鬻蹇驢力小不任

重性命敢謂男兒輕牽來未識北馬性借得大感東家情掀髯却上跨羈坐掣

電流星一鞭過此時逸足縱莫收造父旁觀巧難佐跡弛駕馭良匪易馬上人
從馬前墮鏡中欲博齟齬吟賦裏偏憎插花賀康莊大道城西阿失足何必皆
坡陀有生所事非意料未許輕薄相嘲訶當年頗怪王處仲曾爲伏櫪生悲歌
虎頭失計始投筆猿臂何物誇橫戈不如漢陰歸閉戶安穩生涯信徒步未成
矯矯鶴南飛那免熒熒兔西顧夕陽牛背輸牧豎夜雨蘆中負漁父故人乘車
爾戴笠此作參軍彼主簿天生爾以不羈才困躓風塵是誰誤眼前只作墮馬
看一跌無端豈終仆叩須肯赴舟子招將伯誰爲輔車助我生鹵莽事奔走屈
指欽崎經畏路尙逐他人肥馬塵浪遊此出凡三度似聞樊圃限狂夫便合因
君警晨暮

上少司成徐蘋村先生二首

數仞宮牆入望新鼓鐘相應在成均何期當路心猶折如此憐才意始真魚鬣
欲騰燒後尾琴材偏賞爨餘薪百川東下何須問賴有狂瀾手障人

韓愈猶居博士員風流此外孰隨肩來參講幄三千士及聽聲華四十年樂地

不踰名教外人才都定咲談前讀書射獵論初志直爲從公願執鞭

送周雪客赴太原藩幕兼訊安邑丞陳六謙

半年裙屐軟紅塵旅橐多緣好事貧手板老方除佐領幕僚古亦屈才人巖關
夜度荒雞月絕塞秋高一雁賓投轄舊遊豪氣在莫將俗吏視陳遵

題張漢瞻望雲圖兼送其歸膠城

風流取相賞至性關感動我交天下賢孝友得張仲學成家轉貧母在身愈重
長因負米出屢缺晨昏奉天如憐斯人不忍付寒凍但令邀一第薄少分半俸
逋尾戀慈烏奇毛刷雛鳳中情稍自慰白髮免尸饗如何舉子場久抑禮部貢
賣文給衣食頰首逐儕衆三年長安城側足塵瀕洞布衣慈母綫風裂秋來縫
坐遣望雲心時時結飛夢誰從筆墨下寫此肝腸痛披圖見君意我乃有餘恫
平生蓼莪詩廢置忍再誦菽水不逮親偷生復奚用君今及歸養此樂世罕共
板輿隨春遊金經侍晨諷好與鬪雲根靈護手親種

送汪寓昭南歸

國家制科設取士數亦夥苟非得其人臚仕真瑣瑣子來試南宮命中弦激竒
千言屬廷對一一明珠顆謂宜遂騰上帽壓宮花朵羣飛或刺天而子足猶裹
束書欲南下躑躅每未果草草薄遊裝昏昏短檠火半年仍旅食今始買歸舸
一涉仕宦途古人比韁鎖子方富年力抱負况磊砢更讀十年書識老才亦頗
井然見經濟歷試靡不可得第未得官於遇非軾軻子如數失意何地更處我

送何雪神宰溧陽

嶺表才名久軼倫一官江界去逡巡五千里外飛鳧地三十年來謁選人可有

孟郊爲縣尉長容閔貢作州民

謂宋梅知

鳴琴以外無公事花氣能銷簿領塵

周廣庵編修席上分賦秋蘆十六韻

秋入江湖闊天連葭菼荒懷人方渺渺極目但蒼蒼搖落空洲畔參差在渚傍
拂莖看漸老抽筍記初長露壓梢梢重聲添葉葉涼戰風迴折戟溜雨得沈槍
寒水依痕靜殘暉弄影忙白疑先挾雪青愛乍經霜暗浦菰交暝沙田稻暎黃
就橋迷蟹斲引路入漁莊錯莫招窮士延緣阻一方寒蟬遺晚蛻遠雁落斜行

齋築悲辭漢琵琶怨嫁商托根隨地有薄植過時傷織箔思蠶事編簾隔草堂
刺船如有約吾與在滄浪

秋夜集古藤書屋時梁藥亭將歸南海聯句送行此首亦刻曝書亭集

露葉倦未飄雲鴻遠相引朱竹垞星埃感蓬勃物候變淒緊湯西慄慄入達逵有

客發修軫悔餘僕夫在郊垆稌黍被隰畛梁藥亭柅車浮淪瀾舍權度巒嶙朱雷殷

風息颺海大魚見驚湯峽猿有時歸南雪終不買查八九月之交六千里而近

梁懷居興雖洽判袂情詎忍朱置酒青藤陰入門走蛇蚓湯颺颺涼颺動灑灑

纖月隱查山杯深窪匏野藪脆嚼菌梁迎寒笳卷葉戒夜鼓鳴篋朱談鋒騁趨

雄詩械破窳窘湯毫毛秋穎脫墨光古香吮查臨當黯然別且復莞爾哂梁炎

瘴固所便眠食曷惟謹朱行看早梅墊到及蟄蟲蠹湯前期久勿忘鄉夢今迺

準查穆如清風篇持以示均尹梁

再送梁藥亭次大冶司農原韻

草低天遠見牛羊九月燕山早得霜去國一樽秋惜別入時雙黛老羞長飛鴻

與作書空字落葉輕如度嶺裝一物差堪銷客況難拋鄉味是賓郎

王黃湄給諫屬題紅袖烏絲圖二首

十級丹梯百媚城小欄高下得芳情美人一笑花齊放為報毫端鍊句成

橫幅看題幼婦辭箇中多識背時宜只除一事曾瞞却諫草焚來不遺知

重陽後一日長椿寺讌集聯句 此首已刻曝書亭集今附錄

九日倏已過 姜西溟 濕雲漫四郊森森長雨垂 朱竹垞 颯颯虛檐捎病葉戀冷枝 梁

亭 驚烏盤空巢晨與踐夙約 陸射 攬袂皆貧交勝引雙樹林 魏禹 宛若深山坳

藤縮三秋蛇 張瞻漢 槐舞千歲蛟頰柿迸露實 朱悔人 金英拆霜苞紅的的吳萸 陳叔

穀 碧茸茸秦瓦溝竄鼯鼯 湯西厓 戶網牽蟪蛄薛深蟲屭伏 查梅餘 蒙古蒲牢哮

粥魚晝浩浩 俞大文 牆雞午膠膠光景欸明晦 姜 眺覽窮櫓櫓新耐綠滿壘 朱 晚

菘黃充庖豈意青豆房 梁 俄頃羅嘉肴鳴薑臙紫蟹 陸 題糕餘彩貓子鵝新韭

配 魏 鮮鯽枯荷包已見雉膏登 張 况有兔首魚分曹玉鈞射 朱 角力骰盤拋急

觴易沈頓 陳 緩帶便爬抓一飲動一石 湯 載號或載叟同聲唱者和 查 含意漆

在膠五言乍妥貼俞十手爭傳鈔雖乏韶濩音姜肯使下里殼合并洵匪易朱

顧我中心恆歸帆艤舫梁別騎籠鞅鞘遷迤陟荒岡陸邪許攀長笏免泣卞

和璞魏且誅宋玉茅山縛不借履張泉酌喟然匏檳榔蕉椰荔朱都蔗菱菰芡

雞頭祖竹萌陳翠羽官梅梢熟知江鄉樂湯莫厭潮田磽招隱丘中琴查勵志

賁上爻豈必馬足塵俞逐逐營斗筭姜

送侯大年歸膠城

惠子春深跨白驢惠元龍歸吳季鷹秋晚憶蓴鱸張漢瞻歸嘉定窮歸甌粵吟詩客高雲客還閩

老奉龍舒養母圖方田伯返桐城過闕梁鴻仍感噫梁藥亭歸嶺外多才王勃尙江湖王孟穀自楚入

滇君今又掛南帆去寂寞黃公舊酒壚

顧培園宮贊寓齋燈下賞菊探韻限爲字

劈牋重和去秋詩葉底花前榻未移却對清尊驚候晚尙留各種愛開遲閱情

特許攜燈就畫藁猶煩蘸筆爲莫話陶家三徑事年年此景負東籬

劉雨峯兼隱齋小集

四門稱博士五載住京華客醉新支俸庭開手種花塵埃何處着書帙逐年加
不道成兼隱官清只似家

禹平南歸詩以志別

辛苦論交地追歡得幾回却忘吾久滯翻望爾重來才恐隨年退眉還仗酒開
知音真有數流俗任相猜

燕臺歲寒雅集同王后張錢越江顧九恆彭椒崑吳萬子孫愷似王崑
繩錢玉友徐子貞高遠修孫子未王巖士陳叔毅湯西厓談未菴馮文

子俞大文家荊州作二首

一天殘雪冷晴暉高會金臺近已稀我輩論交終落落他鄉對酒倍依依蒼茫
敢信前期在輕薄翻疑古道非得路何人能折節向來同學儘輕肥
檐花檐雨夜沈沈猶憶年時載酒尋忽漫回頭成昨夢每從失路檢初心殘葦
吳越尊前壘短褐冰霜歲晚吟同調尙留公等在敢憑餘子說知音

偶過史胄司編修齋賦贈

每從朝退得閒情深巷稀傳剝啄聲視草才矜編集富簪花格愛學書成茁來
玉樹枝枝秀賞到冰壺事事清怪得官清能下士五年前是一諸生

敬業堂詩集卷六

大清同治庚午夏
王厚
三月三日
...

敬業堂詩集卷七目錄

假館集下

寄題宋漫堂觀察園亭六絕句

綠波村
放鴨亭

釣家

芟梁
和松庵
緯蕭草堂

送顧九恆南歸

俞大文出都同人祖席分韻得郎字

移居詩爲姜西溟作

王忍亭主事招遊相國苑平公怡園

立二首

上大司成翁鐵菴先生

清明日同玉友荊州出右安門就旗

亭買醉晚至朱大司空花莊復留劇飲卽事四首

三月三日朱大司空招集南莊限三

摩訶菴看杏花次司空公原韻

喬石林侍讀一峯草堂看花同外舅

字

陸先生朱十表兄錢越江周青士孫愷似湯西厓分韻

敬業堂詩集

是夕再飲嚴獲菴侍御鸞枝花下三首

送叔毅南歸即次留別原韻三首

重過摩訶菴老僧以新茶見餉

慈壽寺

夜宿養素堂東偏

秘魔崖古柏長二尺許俗傳隋仁壽

上盧師手植

從磨石口至翠雲菴

立夏前一夕大雷雨宿西山麓

日涉園送春

早發杏子口暮至香山

再宿來青軒

永安寺頻婆花下

從洪光寺下十八盤取道而歸

訓陳子文安邑見懷之作

白芍藥和孔心一少參二首

送湯西厓南歸兼寄嚴定隅

閩夏飲竹垞表兄古藤書屋限藤檉二字各成五律二首

兩後龔蘅圃攜酒古藤書屋分韻得能字

曲阜顏母朱太夫人壽讌詩修來吏部屬賦四首

飛蝗行和少司馬楊公

武陵楊長蒼重來都下感舊有贈

送孫少司空督濬下河

送楊筠湄通參赴任奉天

呈少宰董默菴先生二首

吳門徐彥通來都得惠研溪近問疊

紅豆冊舊韻答之三首

次馮文子南歸留別韻

當湖王復園索贈次沈繹堂先生原韻卽送其歸

與顧梁汾舍人次閣學韓公韻

九日飲朱大司空南莊二首

少司馬楊公見和前詩有登臺把酒之句追憶落帽臺舊遊已八年矣再

次前韻奉訓二首

得談未菴沙河書却寄

次大冶司農韻送顧與田還金陵二首

奉送少司馬楊公 予告養親四首

敬業堂詩集卷七目錄

世業堂詩集卷十目錄

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

敬業堂詩集卷七

海寧 查慎行 悔餘

假館集下

起丙寅正月盡十月

寄題宋漫堂觀察園亭六絕句

村烟雨外青沙草岸頭碧欲知春淺深風到鱗鱗活

綠波村

菱角初翻刺雞頭未剝圓涼風吹酒醒人上過溪船

芟梁

春水綠于頭春花紅似掌漸次去人遙鳧鷖雜三兩

放鴨亭

團瓢不鬻茅擁蓋松陰下茶熟正吟詩風濤入懷瀉

和松菴

魚篷閣淺灘閒却絲綸手長被酒家翁紅腮偷貫柳

釣家

白鳥點蒼葭沿流略約斜愛他丞相第簾箔似村家
即文康公舊居也

緯蕭草堂

送顧九恆南歸

柳汁春回翠滴衣羽毛雖好奈孤飛行期屢改今才決同調無多去轉稀換眼
舊遊隨夢散掃眉新樣入宮非杏園已是攀花客終勝初程下第歸

俞大文出都同人祖席分韻得郎字

客中送客春茫茫投牀夜夢得故鄉
前五日九旬來怕聽叩門別君又結束匆

匆裝出都贈行例有句況我與子情難忘我時正坐作詩瘦不耐冷淡搜枯腸

典衣且復就劇飲醉後亂發如風狂憶君年當十五六談笑目已無盧王曾蒙

佳什盛許予駘駘質下非敢當
辛亥秋大文賦駿馬篇見贈厚意寧能久不報積逋耿耿今

粗償識君最早莫如我只恨岐路趨殊方萍踪一散十三載兩曜轉轂驅星霜

班荆故國再相見孝廉船繫禾城傍才人生還話絕域詞客遠別歌河梁
以上敘癸

亥春與大文搗謙同集
吳漢槎鴛湖寓樓事

片帆湖口浪滾滾
匹馬薊北冰硯硯
竭來酒市並儼舍

我極潦倒君飛揚
故人聯翩貢禮部
屈指仇

滄柱

顧九恆

徐子貞

陳廣陵

汪寓

昭

君於其間最年少
爭看白面俞家郎
風擡袍袖綠陰合
花壓帽影紅綾香
文

章自足取高第
仕宦何必皆巖廊
旁觀愛才或太息
達士安命無摧傷
鑾輿

昨者東幸魯曠典
百代傳輝煌
君今應聘往纂述
豈異扈蹕來登堂
直從國書

採鉅麗不比家乘搜
散亡誰云小試著作手
會見奎壁垂天章

時大文應衍聖公聘纂修幸魯

盛典偶然便道一返里
山青雲白遙相望
眼前合并那易得
歸興未抵離愁長
鞭

鞘已出軟塵外
裊裊絲路穿垂楊

移居詩爲姜西溟作

自我來都城三見君
移居前年街東住
夕陽到庭除殘冬
徙巷南北戶風攪裾

今臨大街西朝日
明窗疏短生寄長
世天地猶濶廬矧
乃一榻安蕲蕲良
有餘

君才本絕代應
召來公車姓名上
史館著作登石渠
太倉五升米既飽
同驢

娛漆光拭修髯外
澤中不枯有時典
裘褐間架如期輸
卷軸不用籤錯置
圖與

書偶從移居候整妮驅蟬魚經旬復成堆零亂巾箱廚卽此見真率寧能事奔
趨朱門曠蕩開無地置爾軀請看名山業終古歸繩樞

王忍亭主事招遊相國宛平公怡園二首

沙路開三徑名園甲九州不緣君愛士那得客同遊好鳥來宮樹春冰落御溝
野人雙眼豁初見 賜書樓

見說門前路鳴騶日日來簇燈春宴罷踏鼓早朝回華萼居相望平泉第對開
從來論相業原不廢亭臺

上大司成翁鐵菴先生

虞山龍蜿蜒昂首挹海若匯爲人文藪壇輿代有作我公實名家間世出騰躍
却將波瀾勢捲起向寥廓國家取士途曩括制仍昨後生奉師程體裁就拘縛
盤叢嶠負固斤斧孰開鑿巨手得韓歐呀然啓鐸鑰文昌一星曜餘若螢火燭
以此結 主知迴翔上館閣十年執文枋出入兩不忤東郡昔掄材雲羅恣搜
索遂令齊魯風一變起積弱至今劍光在識者辨干莫文運際中天四方視太

學頗聞長老語斯地久寂寞簾業器空懸豆籩禮猶託春秋刲羊豕朔望奠
爵四門官俸輕六館廩餼削惟留古時柏枝榦尙盤礴花甌饑啄鷹鬥拱暮巢
雀庭荒狐狸竄人去蝙蝠掠壁書畫摧殘獵碣字剝落偏傍按點黜星隕不可
攬自從 萬乘臨廟貌再丹牖臯比位祭酒此座不輕著新城轉官去士氣孰
聯絡公來一震聳造就指不各外貌謙以和中懷嚴且恪從公日于邁人有執
經樂園橋看濟濟在泮咏躑躑方當發責鏞豈獨警道鐸三千萃絃誦餘地故
綽綽移時具規撫次第布條約經術植本根史書覽大略詞章及文藝餘事拊
承藁必若計栽培先須破根格力圖古制復事異虛名博煦者春達萌釋如秋
解擇時情重成例清議動多格憐才出至性此意感非薄賤子望塵來三年客
京洛門墻雖濫廁鞭策稍知懼公于汲引塗取予必斟酌何期納百谷亦復收
一勺傾僚方自茲惟公鑒葵藿

清明日同玉友荊州出右安門就旗亭買醉晚至朱大司空花莊復留

劇飲卽事四首

新烟淡淡柳疎疎
雨洗輕塵出郭初
遠客不知京國好
酒旗風裏話田廬
三鷗岐路小車歸
一曲花遊簇作圍
春色盡隨紅豔隊
明朝蛺蝶滿城飛
聯鞍緩鞚去逡巡
覓句沈吟苦鬥新
忽漫詩成狂拍手
墮鞭驚起馬頭塵
典衣偶出爲尋春
重向名園敘主賓
慚愧公卿傳好事
一時狂號屬三人

摩訶菴看杏花次司空公原韻

壺盧酒熟鳥催提
路轉松迴別有蹊
豔入繁枝停畫鼓
淡教微雨洗花泥
開遲翻悔來看早
興好方嫌飲量低
却被閒僧嗤好事
一雙蠟屐舊曾攜

三月三日朱大司空招集南莊限三字

一旬雨雪春淹淹
餘寒尙帶三月三
滿城花信近桃李
客舍冷落思江南
司空園亭傍水際
初已有約來停驂
郊原霽色忽入眼
豁若明鏡初開函
草凝露光翠撲撲
柳挾風勢青珍珍
檐牙燕巢看新補
枝亞雀覈俛可探
蘭亭勝事俗久廢
京洛良會情尤耽
轆轤轉水百尺底
繞砌曲折歸澄潭
不須絲竹發豪興
自有風雅供清談
銅壺靜傳竹箭響
蠻榼遠費桃枝擔
先生名高暫解組
公子官

好能抽簪闕從門生諸公皆先生門下士奉几杖猶許野服來相參古道力持公自厚羣

賢不鄙余懷慚久留帝鄉亦何爲土俗節次差能諳放鐘撇卯等兒戲歲月過

隙真奚堪大杯一澆壘塊散得飲且復拚沈酣前期更有聽鶯約預辦斗酒攜

雙柑

喬石林侍讀一峯草堂看花同外舅陸先生朱十表兄錢越江周青士

孫愷似湯西厓分韻

愛花成癖不待招春來徧踏東西郊起聞啼鳩送春去猶跨短鞵搖吟鞞斜街

草堂地清絕瘦藤當戶攀老蛟土墻面面紅窄堵沙徑曲曲青盤拗磬頭暗皴

高下石亭子乍翦離披茅巧從陰借桃李杏惜少水養菰蘆芡棠梨素粧太淺

澹繁蕊亂拆丁香苞新開海棠好顏色兩樹氣壓千花梢主人爲言初買得舊

根帶土枯蒲包擔頭親爲解其縛位置特許依書巢栽培本關造物意人事未

盡休輕嘲輿泉口嘗手自灌及見紅豔青葱交他人買園身不到君乃傲屋情

難拋花時連日得休沐剝啄有客門頻敲行攜几榻隨分設野菽蒸齋樽窪匏

偶然興到觸佳句已被萬手爭傳抄我詩不工強屬和出語毋乃同號叟不成
甘受金谷罰忍負新月垂弓弣

是夕再飲嚴燼菴侍御鸞枝花下三首

賣花聲裏過斜街不記招尋月幾回只有繡衣真愛客印泥封酒必同開
傲居喜近慈仁寺移得鸞枝隔歲栽報道退朝今日早東欄昨夜有花開
矇矓眼纈隔窗紗曾入東隣學士家一醉竟須煩二主可憐頻對客邊花

送叔毅南歸卽次留別原韻三首

到處誰當却掃迎去留此際計非輕自收詩上還山集何取人傳入洛名三世
羨君猶共爨百年為客總勞生豈應陳孺長貧賤如許鬚眉徹骨清

竭來挾瑟並燕中廡下猶欣傍伯通謂纓菴儘有狂言容數子每從高會廁諸公

淋漓醉射東方覆躑躅羣看北野空恰恰酒人從此散一天無賴柳綿風九文

未菴西厓俱
先後出都

敝廬好在龍山下藤蔓花梢一一垂春草池塘空入夢德尹復瀧岡窰窰杳無

期封書病檢山妻藥陳筴慵探季子雖百念因君多撥觸最愁人是望鄉時

重過摩訶菴老僧以新茶見餉

細色網從馬上催筠籠先爲老僧開髻絲禪榻前因在直愛茶烟又一來

慈壽寺

摩訶菴西慈壽寺老樹盤礴爭奇雄當門古塔少梯級合沓直上烟霄空迴廊
二千五百步一一畫壁堆青紅仙山鬼府靡不有搜神志怪殊未工雲旗飄飄
翳白日闕殿肅肅來陰風不知茲寺創何代負墻古佛塵相蒙居僧兩三乞食
去好事欲問嗟無從手揩雙眼看碑碣歲月却記明神宗是時海內際清晏嗣
皇冕藻年方冲雞鳴問寢駐銅輦瑞蓮獻賦歸新宮

萬曆初年瑞蓮產慈寧新宮閣臣申時行王錫爵俱

賦作

一朝家法古無匹聖母不在垂簾中偶營紺宇祝萬壽未可概議物力窮百
餘年來就頽廢鐘鼓尙與隣菴通君不見內官葬域抱山麓異時祠廟還穹窿

夜宿養素堂東偏

裊裊一枝藤疎疎幾行柳籬落吐燈光鄰家猶賣酒

秘魔崖古柏長二尺許俗傳隋仁壽中盧師手植

連岡東北轉鬼物託幽秘瞰空飛一片石縫舒右臂老鴉銜柏子偶向駢拇墜
飛泉難仰流長此彎拳翠相傳閱千載僅可二尺計勒龕誇佛力此語吾所鄙
猥蒙雨露恩竟負栽培意兒童斤斧脫大匠棟梁棄寧非干霄姿吁嗟守憔悴

從磨石口至翠雲菴

亂山中有崎嶇路時聽征車撼石聲行過翠雲塵乍少馬頭麥浪綠初成

立夏前一夕大雨宿西山麓

臥聞風雨聲惜此花間路沙路不成泥披披曉窗霧猶嫌入山淺未到雲生處

日涉園送春

驚雷掣電夜窗明忽轉雲頭又放晴夢裏似曾聽雨過曉來不礙看山行紅衣
匝地枝枝瘦翠幄支天葉葉清遊興有餘春向盡暫時經眼倍關情

早發杏子口暮至香山

西山灣環勢向東兩角到地形垂弓客從山南走山北耳畔箭激颼颼風茗遙

一程晚始達喘汗未定馬力窮入門翻愁磴曲折落澗已愛泉琤琤居僧指點
最高頂十里近與前岡通冥冥一綫縈萬丈蜀鳥飛去啼春紅人間何處無捷
徑失足怕落荆榛叢吾寧迂遲就坦道肯試奇險爭樵童殿西一軒得空曠雲
根倒插下積空夕陽將墜尙未墜數峯晴意憑欄中回頭却望來處路已被遠
樹遮溟濛

再宿來青軒

景物蒼茫感舊秋

甲子曾宿此軒

還將筋力試重遊行穿下下高高路題徧山山寺寺

樓捲幔微風香忽到瞰床新月雨初收洗空塵土三年夢一夜鳴泉傍枕流

山下

有泉名甘露

永安寺頻婆花下

啼鴉聲中日向斜閉門春盡似村家黃蜂飛過短牆去零落頻婆兩樹花

從洪光寺下十八盤取道而歸

洪光我昨到石徑盤曉靦不知眼界寬但覺足力費茲遊及晴爽勝境天所乞

去聲 泠泠松上風倒酒泉泌沸路窮寺門出氣象非昔謂關河劃然分有若列涇

渭平曠碁布野萬象經錯緯舊遊領新得噉蔗飫餘味重尋周歷處畫像儼中

貴寺為正統朝太監鄭同所建按碑記約費七十萬輝輝金碧光尙壓一山氣峯高此為最興盡我猶

未何當躡其巔西覽韓趙魏

訓陳子文安邑見懷之作

新詩讀罷一摧顏何限心期悵望間塞柳關榆遮不斷數峯春雪太行山

白芍藥和孔心一少參二首

扶頭一笑粉生光鏡裏匆匆看改粧金餅賺來初罷浴瑤堦行過但聞香含嬌

似爾情難禁太潔從人忌不妨莫向中書誇故事素心羞對紫薇郎

便從姑射擬肌膚那許餘容伴鼠姑美酒對傾金鑿落佳名果稱玉盤孟鶴翎

舞拂新時樣癩髓痕消舊日圖珍重一襟冰雪意殘紅掃地近來無

送湯西厓南歸兼寄巖定隅

古寺槐交陰微陽轉冰簟上聲與君初握手片語示肝膽來當傾蓋新久覺忘形

漸相過日不隔懷抱兩無忝狂言我難緘癩病子未減彌縫補其闕瑕類肯互
掩子才隨地湧百斛走澗澗屈首舉子場十年困習坎隻身泝瀟湘盛氣生勇
敢歸來翻一笑函匣劍光閃未免爲時名束身就繩檢酒徒遇燕市搖落自多
感兒曹太輕薄載鬼白日魘榆搶斥鷃如冠著沐猴儼彼頑何足校我白故無
玷稍恨素心人晨星散疎點金溝送別處屢見風柳颭子來辭我行忽若猿出
檻足矜行卷富何礙歸裝儉溪堂行補苴湖舫待剗剗開籬受竹色擇石置崖
广青芟鴨脚葵白剝鵝頭芡隣沽蕢新熟詩韻鬥奇險此樂吾久疎歲月徒荏
苒兩堂倘問訊應惜緇塵染

閏夏飲竹垞表兄古藤書屋限藤檉二字各成五律二首

曲巷居相近迴欄到每憑爽開尋丈地陰合兩邊藤幽事披襟愜新詩計卷增

時竹垞騰
吟集初成

醉探杯底綠涼影落層層

碧草柔牽蔓紅花細着檉客稀成雅集屋老稱佳名淦淦雲催暮疎疎雨放晴
家園風景似只是少啼鶯

兩後龔蘅圃攜酒古藤書屋分韻得能字

結隣君最好旁舍綠陰增榻愛同時設門教一僕應異書便借看新句急催徵
許我時相就衝泥到亦能

曲阜顏母朱太夫人壽讌詩修來吏部屬賦四首

玉女峯連泰岱青人傳翁主是前星朱門昨夢滄桑變白首餘年患難經
恩曾邀北闕扶搖風又徙南溟勿論陋巷家聲在母德還堪作典刑

郝鍾禮法尚嫌疎比較門風正不如壽母有詩存魯頌世家無例闕班書五雲

扇底分儀仗八座花前侍起居慚愧潘輿輕作賦金根還有嫁時車

唐德宗朝趙國公主

下嫁始用金根車

霞帔重加舊日冠慈顏一咲一加餐從看舞袖迎花語猶記傳經傍杏壇吏部

文章今卓卓翰林風骨久珊珊

謂淡菴太史

同時丹穴雞皆秀世澤方知擬似難

水天閒話屬葭莩異數曾聞拜舅姑娣姪紛紛齊庶士門墻一一魯諸儒王姬

老去樓仍鳳顏氏歸來巷有烏不為尋常誇燕喜八千親寫壽護圖

飛蝗行和少司馬楊公

去冬臘雪不蓋土今歲天行旱畿輔門前有客來故鄉爲言千里皆飛蝗綠陂
青野一時失但見黃雲蔽白日我聞此語方長歎愁坐不知天宇寬有聲藪藪
自南至驟聽乍疑風雨勢舉頭杲杲燒火輪中庭過影何紛繽蜻蛉蚱蜢亦羣
舞倏度宮城齊振羽宮城十丈高巍巍誰能禁爾漫天飛

武陵楊長蒼重來都下感舊有贈

建業相逢記一樽飛蓬心跡感重論舊家春燕烏衣巷故國秋瓜覆盜門愁倚
白頭絲減鬢閒緡青史泪交痕可堪潦倒風塵際還見元和一品孫

送孫少司空督濬下河

神京建西北歲走東南漕去聲轉粟上青天黃河扼其要元時用海運年久有成

效此議今難行將毋物力耗宣房十年築宵旰煩 廊廟千村收竹槩十郡供

柳掃百萬糜金錢一支歸故道吾 君如唐堯勳德在覆幬百神胥受職河伯

敢陵暴猶復念民勞南巡趾親到下流得地勢海口計疏導紛紛異同論破例

寧意料學士居禁林十年不輕調汝往作朕虞欽哉奉 明詔歲輸發內帑恩澤蒙再造畚鍤興如雲邪許相慰勞和衷事斯集正氣神可召芃芃黍苗歌可乏陰雨膏渠成萬世利績待期年報

送楊筠湄通參赴任奉天

國家都燕京遼左本根倚東西營鎬洛周制正如此城闕遙相望關隘紛可指設官重保障未可猛政理阡陌屯田開戶口豪右徙卅年盡土著烟火變墟里仁人來撫循爾輩皆赤子

呈少宰董默菴先生二首

丹霄地望絕攀躋尺五城南萬仞梯日月文章韓吏部天人經術董膠西都無半刺通干謁却媿凡才出品題此日黃金臺畔路不聞伏櫪盡長嘶
注籍紛紛屬貫魚積薪時論近何如尚煩啓事從容入及見銓曹次第疏閣下銜仍兼學士殿頭班欲領尚書文章得路如公少還恐爲儒計或疎

吳門徐彥通來都得惠研溪近問疊紅豆冊舊韻答之三首

勞勞別夢短長亭兩度秋風冷畫屏忽聽故人傳尺素夜長添對一燈青
屢屢愁聽室人歌拚却長程歲月過我已鬢毛秋換綠不知君髮更如何
名園婪尾醉燒春豪氣曾陪末座塵此日青衫尙留滯蹇驢腰扇怕逢人

次馮文子南歸留別韻

高視沆寥天俛瞰廣莫野斂才就實地始信得力寡文章技尙卑矧乃論騷雅
方期木雞養不礙伏虎啞讀書滕口說正坐氣難下築臺逃文債支戶辭吟社
靜觀得妙理擾擾何爲者因君又多言餘習吾未舍

當湖王復園索贈次沈繹堂先生原韻卽送其歸

寂寞名山業蹉跎始自憐長途添白髮老眼望青天夜雨新豐市秋風下溟田
夢中歸路近帆卸郭東船

與顧梁汾舍人次閣學韓公韻

不是微之定牧之紫薇亭擅舍人辭十年未就歸田賦衆口猶傳赴洛詩往事

相關甚已散秋風纔到鬢先知怪來東閣留賓地難遣深情是酒卮

時舍人有亡友之痛

九日飲朱大司空南莊二首

雲物蒼涼感鳳城，良辰難遇是晴明。同時那得人偕集。是日西溟輩集萬柳堂，余不及赴。去日

渾如客餞行，大漠寒烟凝朔氣。空林殘葉墮秋聲，籬邊舊是餐英客。省對黃花倍有情。

不是藍田別有莊，三年此地作重陽。先生出郭仍攜酒，獨客登臺又望鄉。天闊一鷗盤遠勢，風高羣雁起斜行。茱萸諸弟遙相憶，應料新來鬢點霜。

少司馬楊公見和前詩有登臺把酒之句，追憶落帽臺舊遊已八年矣。

再次前韻奉酬二首

迢遞關山隔楚城，亂猿啼處記分明。瘴花瘴草重陽候，秋雨秋風絕傲行。匹馬幾回經戰壘，荒臺三面走江聲。再來京洛追陪地，望遠猶含萬里情。

青楓白菊夢漁莊，驚起窗西正夕陽。賴有新詩酬好節，敢云游子戀他鄉。風聲捲地迴遼海，山色迎寒入太行。一片清砧聽不得，敝裘容易改星霜。

得談未菴沙河書却寄

涼燈四壁光燦此一雙蕊終宵不能寐詰旦占有喜起接故人書窗日穿故紙
披襟再三讀感慨忽中起憶昨初訂交秋風燕市裏余時新落第邂逅得吾子
子名雖早成尙索長安米才高氣激直罵座酒頻使我故失意人謂子不宜爾
子行將筮仕鸞鳳棲棘枳縣令古難爲位在百僚底上官任喜怒下吏望風旨
剛者號木強弱恐隨波靡不卑亦不抗斟酌具至理子才百事能所少或在此
今年子謁選畿輔得百里是時方旱蝗覬勉到官始單車行就道奴僕躡生趾
近聞沙河池善績紛可紀賦蛇餘毒去政虎隣邑徙保障安流移抱柝靜奸宄
神明咏來暮父母歌樂只租稅如期輸蒲鞭免撻捶民譽慰攸歸官聲被褒美
寧非讀書力出手見根柢乃知賢豪人未可私意擬向來吾錯料失語徒抱恥
感子諒我真肝膽終見委得路念貧交幾人堪屈指自傷志力薄無以赴知己
行當賦歸耕塵俗庶一洗願子益自愛友道在永矢前期不遐遺折柬到桑梓

次大冶司農韻送顧與田還金陵二首

及見開東閣俄聞把別觴沙痕雙鬢雪寒色一裘霜老覺游情倦貧銜故意長

獨留青眼在此外任炎涼

一片隨陽雁郵程取次過馬頭回紫塞冰面渡黃河手寫還丹訣神傷過闕歌

承平風物似遺老剩元和

奉送少司馬楊公 予告養親四首

聖朝孝治在敦倫 詔許還鄉為養親平格已推黃閣老

公今年適周花甲

行期先報

白頭人卷舒在我何關命進退無慚好乞身此日魏舒仍襍被却從去國始知

貧

從開絕域震餘威悵望多年子舍遠退自急流從古少老猶孺慕似公稀東門

祖帳傾城出北闕 恩光拜表歸書錦堂開春晝永咲將綵服換朝衣

萬事長安一局碁角巾私第未嫌遲即論世道寧無補欲報君恩況有期春

服暫寬腰下組茶煙初驗鬢邊絲粉榆父老來迎謁應羨精神似舊時

油幕追隨萬里過兩年假館又蹉跎吟聯樺燭枝枝跋酒上塵顏夜夜酌含意

每為知己盡不才真怕受恩多公歸我客全無為誰聽荆南寡和歌

時余將移館北門

敬業堂詩集卷七

...

...

...

...

...

...

...

...

...

...

...

...

...

...

...

...

...

...

...

...

...

...

敬業堂詩集卷八目錄

人海集

移館北門寒夜不寐起來霜月滿庭有懷諸弟

題喬石林侍讀梅花莊圖兼送其罷官南歸

趙秋谷編修見示并門集輒題其後

得聲山姪揚州信

任坦公以趙松雪留犢圖索題留竹

坨齋中聞為偷兒取去戲作絕句答之

題禹平水村圖二首

除夕前八日立春

元日出東便門

少司馬楊公潞河寓齋夜話得村字

春夜同外舅陸先生陳夔獻呂彤文許時菴朱悔人魏禹平王令貽王赤

抒吳震一張損持家荊州兄集朱大司空齋分韻二首

龔蘅圃屬題攝山秋望圖

王甥漢臯南歸詩以示別二首

送吳青壇侍御歸里

北城寒食有懷南郊舊遊寄呈朱大

司空並索玉友荊州和二首

相國明公新築別業於海澱傍既度

地矣邀余同遊詩以紀之

陳元亮至得令兄撫謙近問

送宋牧仲提刑山東

壽陸菊隱前輩七十二首

送時菴先生典試四川

樓拂子示兩及門

送田綸霞由大鴻臚巡撫江蘇二首

呈玉峯少宗伯徐公四首

次張超然見懷原韻

與時菴別五旬計程當入閩中矣七月十六夜夢其渡桔柏江有詩見寄

醒而作此

夜宿傳經書屋枕上喜雨

送周青士南歸

丁卯秋闈報罷呈諸先輩五首

九日同荊州兄遊趙恆夫給練寄園

題宋石門畫松

秋夜紀事

送朱千仞之任舒城

相國明公壽讌詩四章

喜唐實君至

得家信

答衛源冀先生見寄之什

西溟竹垞同遊房山余不及踐約口

占送之

哭朱大司空六首

禹尙基屬題水村圖小照二首

聞周青士淮南卦信

楊耑木來都出示涿州道上見懷八絕句次韻奉答

喜德尹至都卽用道中見寄韻八首

曉出西華門逢吳震一

盆梅同唐實君揆愷功賦

探春花再索實君和

水仙次韻

壽大司馬梁玉立先生四首

送黼皇姪出宰大浦

送沈譽生之任靖安

寄壽潛江朱石戶先生

桐城錢田間先生相遇都門出詩集見示中有丁酉寓長干寺投贈先君

子七律一章距今已三十二年先君下世且十一年矣感而次韻

敬業堂詩集卷八目錄

...

...

...

...

...

...

...

...

...

...

...

敬業堂詩集卷八

海寧 查慎行 悔餘

人海集 起丙寅十一月 盡戊辰正月

故人吳漢槎歿後有以不肖姓名達於明相國左右者遂延置門館令子
若孫受業焉下榻府西偏去南城十里而遙人事罕接間有吟詠率出傳
題酬應自丙寅仲冬迄戊辰初春凡十五月所得詩不滿百篇合為一卷
即用人海記之名以名集

移館北門寒夜不寐起來霜月滿庭有懷諸弟
寒城宮漏永孤館耿無寐起看殘月升稜稜挾霜氣徘徊夜將半惜此姜肱被
獨客不可為無端感憔悴

題喬石林侍讀梅花莊圖兼送其罷官南歸
湖陂種柳不種梅梅花合向陽陂栽買園舊在最高處尙怕水泛春冰開沙頭
一篙刺歸路清淺今堪跨半渡父老來看侍直圖先生咲入花間去

趙秋谷編修見示并門集輒題其後

趙侯曠世才，硯發新刃初。十八取高第，姓名登石渠。紛紛冠蓋交，僮馬填門闥。

抗懷對儕俗，折節讀古書。我友潛江髯，

朱悔人

數數來告余。余時懷一刺，欲往還。

趨趨從來負盛名，相見長恐虛何期。就館舍先枉君子輿，示我并門詩璀璨瓊。

瑤琚清光溢兩目，瀏覽無停矚。不忍遽卒讀，掩卷姑徐徐。留之遺夜長，霜月臨

窗。仄地爐煖宿酒繼，晷編重舒十首醕。一杯頃刻百首餘，何堪飲戶小徑醉同。

蘧蘧隱几似有人，導我蓬萊居。李杜踞高坐，兩旁列仙儒。依稀潮州韓髯眉。

山蘇中有青丘子，拍肩大聲呼。醒來几案傍，絳蠟開芙蓉。悠然接詩境，鼠穴非

乘車。我欲數子間位君，復踟躇君今富。才力著作承明廬，詞章技特卑未足垂。

聲譽。卽此見根柢，振步捐土苴。神仙才有數，此語古有諸。我賤不足論，願君勉

相於。

得聲山姪揚州信

隋隄柳又拂歸艤，安穩傳書報渡江。却寄新詩猶索和，轉憐遊屐不成雙。霜欺

獨雁寒衝塞月帶疎鐘夜到窗此際相思倍悵燈花何喜爍冬缸

任坦公以趙松雪留犢圖索題留竹垞齋中聞爲偷兒取去戲作絕句

答之

一呷貪泉盡跣徒壽春遺事近應無探囊莫怪工相妬占斷清名是畫圖

題馮平水村圖二首

蓼洲疎雨荻洲煙一扇低篷水拍天不礙主人長作客披圖還有鶴看船

春波十字水西東草淺迴塘有路通着個歸人應更好倒騎烏犢柳陰中

除夕前八日立春

驚心看舊曆三十八回春去日成何事流光惜此辰好風迴淑氣殘雪洗窮塵

便擬騎驢出旗亭覓酒人

元日出東便門以下丁卯

朝出國東門言循潞河湄層冰裂厚地雪光照曜之草短沒燒痕老楊交枯枝
晨曦暖我顏我鬢初有絲自從客京洛三遍東風吹藏身人海中發興乃更奇

誰能當此日一鞭出尋詩

少司馬楊公潞河寓齋夜話得村字

去京三十里城郭只如村老樹排沙磧春帆次水門談深孤館靜酒罷一爐温
已覺連宵夢依依近故園

春夜同外舅陸先生陳夔獻呂彤文許時菴朱悔人魏禹平王令貽王
赤抒吳震一張損持家荊州兄集朱大司空齋分韻二首

春燈春夕宴一到一回歡不赴先生約寧知禮法寬酒痕雙短袖歲事五辛盤
合坐無生客長安此會難
畫簾開雪後新月到花西雅令投瓊得清歌按拍齊鼓催今夜醉詩記隔年題
預恐鴉啼曙門前散馬蹄

龔蘅圃屬題攝山秋望圖

昔我道金陵西南出江關船頭東北望秀色堆煙鬟長年爲指似此山名繖山
古寺入棲霞松老苔斑斑玲瓏刻千佛石骨靈不頑上有天開岩鏡平圍若環

從茲陟高頂一覽收人寰孫吳事業荒南渡衣冠屨詞客弔興亡動云清淚潑
探懷發深趣此事天寧慳如何雷同聲萬口若是班我友詩力健清奇寫崢嶸
好風颯然來滿眼除榛菅按詩記年月我在蠻溪灣重披一幅圖點染紛斑斕
杖藜者數輩謂竹垞青士諸君風骨俱珊珊同時失同遊悵望空往還憑君添一葉置
我煙波間

王甥漢臯南歸詩以示別二首

草草嫌輕出依依戀此辰也知歸橐儉應諒客囊貧家教分諸弟身謀累所親
臨期雙淚落併念爾先人

汝去真長策吾留轉寂寥雪燈分袂影風柳斷腸條客久人情覺春寒酒力消
自今長短夢無夜不河橋

送吳青壇侍御歸里

來乘驄馬來去駕柴車去煙光綠上垂楊梢春淺東門送行處東門多少罷官
人太息何煩感直臣但使朝廷無闕事不妨歸作太平民

北城寒食有懷南郊舊遊寄呈朱大司空並索玉友荊州和二首

早桃開後倦游情春事無端閱鳳城忽聽賣花聲到耳始知明日又清明
名園狂醉已經年永定門坊記墮鞭想得出郊重繫馬一行新柳變新煙

相國明公新築別業於海淀傍旣度地矣邀余同遊詩以紀之

路指沙堤外園開海淀東好山西嶺接曲水 御溝通綠野名相稱華林興頗
同種花兼種樹還費十年功

陳元亮至得令兄撫謙近問

海棠雨墮胭脂紅一尊醉別禾城東旗亭衰衰柳綿白握手驚從薊門北烏蟾
顧影倏忽移已過五度春風期看君湖海發豪氣嘆我頭鬢生微絲爲言索遊
非得已爾乃胡爲亦來此一門甲第矜貴盛王謝堂前燕添壘藏書萬卷澤尙
新負郭二頃業未徙少游但思騎款段儘可浮沉老鄉里天生爾以不羈才伏
櫪豈得長徘徊朝秣吳芻暮燕市聲價自長黃金臺君家髯兄才不細勇決翻
成倦游計粗傳近況喜可知只怪新篇不相寄故園漸少杜門人往往席帽趨

黃塵因君棖觸草堂夢綠樹正接詩翁隣

送宋牧仲提刑山東

名封十二接關城繡斧前頭父老迎問俗潛移齊右姓下車先揖魯諸生天開
島日三更白濟入河流一道清歷下亭邊名士會騷壇行見續詩盟

壽陸菊隱前輩七十二首

熙甫陶菴傳述久百年君又起礪城學能忘世名偏重老愛讎書眼倍明在璞
不妨留玉彩出山依舊覺泉清龍門子弟俱英絕及見淵源有二生謂孫愷似
侯大年

採芝欲去每相羊開閣猶留老仲翔時下榻大
治相國家共許康成多著述誰言安世有

遺亡老人祝杖鳩無恙處士歸田菊未荒十丈風埃遮不得少微爭指客星芒

送時養先生典試四川

驛路曉發聞秋鈴千山萬山疊翠屏秦關百二閱天險蜀道一雙占使星同行
者為

林戶曹地遠人才指可數亂餘風物愁初經同行有約吾竟負讓爾劍閣題新銘

櫻拂子示兩及門

竟得驅除力羣蠅不敢貪清幽吾最羨束縛爾何堪自愛依書幌差宜挂草菴
誤人消底物江左只清談

送田綸霞由大鴻臚巡撫江蘇二首

東南地重推吳會開府新煩典客卿暫出人皆榮八座再來公已領三旌霜清

斧鉞稜稜見風靜驂騮尾尾行桃李一蹊看好在道傍伏謁半諸生

田曾爲江南學使

詔恩連歲蠲逋賦管內民情大可知桐鼓尙傳迎輦曲竹枝多上去思碑兩賢

治蹟原難繼

謂大宗伯湯公少司馬趙公

一代人才更屬誰此去但須持簡要不妨小吏日

抄詩

呈玉峯少宗伯徐公四首

書局頻開邸第中桓廚鄴架許誰同一朝典策分明在未有高文不屬公

宏博今無沈晦倫御書端爲寵儒臣講堂及聽宣和論感激能容下座人

弟子韓門盛一時投書却悔少年爲官高不改憐才意人道先生似退之

一御何當重李膺對公方媿百無能相逢盡屬龍門客只是常鱗不敢登

次張超然見懷原韻

昨夜楸庭雨洗埃病餘酒戒擬重開正欣涼自披襟得忽有風吹好句來榕浦
人才君磊落蓴江歸夢我沿洄此情除共詩翁說

謂竹垞先生

預約藤陰掃碧苔

與時菴別五旬計程當入閩中矣七月十六夜夢其渡桔柏江有詩見

寄醒而作此

相送西南去離心不可降亂山懸客路孤夢墮疎窗暮雨葭萌驛秋風桔柏江
此時占益部真有使星雙

夜宿傳經書屋枕上喜雨

爲少芭蕉樹初來竟不知及聞簷滴後已是酒醒時靜覺書幃爽涼侵布被宜
殘燈如客況不厭作花遲

送周青士南歸

人間不是少知音愛國蕭然抱素襟潮似歸期還有信雲雖出岫本無心戰回
酒敵黃花老收取詩名白髮深此去浮家煙水際五湖一葉許誰尋

丁卯秋闈報罷呈諸先輩五首

明明跛脚有青雲安上門前路忽分湖海伏龍雷起蟄關山斷雁雨呼羣裘茸
欲落霜花吐燭跋初消漏點聞慚愧上書頻見斥僅留舌在敢論文

夜雨鳴雞事不同也曾投筆學從戎早知有命應藏拙不是無家轉諱窮楓葉
飄殘砧杵月槐花吹過鬢絲風故人底用慚高第

謂后張仲夔
令詒西厓輩

我比劉蕢策未

工

憔悴青衫感弟兄勿將時論擬縱橫五經何負掄材意萬口先傳下第名

時家
荊州

以五經
被薦

但使低顏對僮僕猶容長揖見公卿祇嫌鏡裏流光速白髮新抽一兩

莖

兩眉愁思一含顰情到無慘去住均短遽聲悽霜後竹孤桐絃冷爨餘薪那能
造物皆如意不信憐才竟少人任是亡羊吾勿悔燈前故策試重陳
三年光景易蹉跎又偏登高節物過燕子生涯如客樣菊花天氣奈霜何狂名
幸免聊隨俗野性無拘一放歌已買吟瓢租蹇衛西山遊興近來多

九日同荊州兄遊趙恆夫給練寄園

縈成曲磴疊成岡高着樓臺短着牆
花氣清如初過雨樹陰濃愛未經霜
熟遊不受園丁拒放眼從驚客路長
亦有東籬歸不得四年京洛共重陽

題宋石門畫松

蒼髯翠鬣搖向空老幹蟠作青虬龍
雙睛未點飛不得時有雲氣來相從
開時高陰散林麓捲起生綃纜尺幅
人間何處着秋風昨夜城南拔喬木

秋夜紀事

城頭落星大於斗羣犬吠怪都狂走
或云此星作狗形犬不見星惟見狗
初如地震如雷鳴頃刻闐寂天無聲
但見明河亘天月西沒宮漏杳杳傳
三更明朝屬車行射鹿旌幟照山馬
量谷不須更載獫獫驕驅爾向前飛
食肉

送朱千仞之任舒城

龍舒傳舊俗淳朴羨民風
官稅如期納山田比歲豐
月依琴榻靜花傍印牀紅
却咲眉山老無緣作寓公

相國明公壽讌詩四章

海嶽遙瞻壽域開，喬松直上表崔嵬。一柱承中極，戴斗三星指上台。雨露
恩深和鼎地，風雲力展濟時才。穆清垂拱邊烽靜，誰挽昇平氣象迴。

千古明良不數逢，天教元老際時雍。和衷事事歸無我，雅量人人服有容。地峻
不須銘客座，官清豈在却堂封。但看退食委蛇度，賸得丹心答九重。

未應風月屬平章，綠野仍開舊日堂。玉燭年調光宅里，沙隄柳合善和坊。門無
鈴鼓，軒車靜架有圖書。御墨香一桁朝衣，雙進酒森森玉樹，又成行。

八千歲裏紀春秋，平格端從運會留。寶鼎有光騰玉鉉，皇圖無闕指金甌。朝家
望久尊黃髮，事業公今尙黑頭。慚愧受知同國士，嵩高一頌恐難酬。

喜唐實君至

風埃易隔經年面，忽聽車音喜不勝。才氣讓君高百尺，酒腸寬我過三升。薄寒
坐轉霜天月，往事談深雪屋燈。記取鳳城西北頰，竹床相對兩如僧。

得家信

遲滯經三載平安報一門開從迴雁磧寄自擣衣村身賤歸難料家貧恨每吞
兩親猶未葬先計了兒婚

答衛源冀先生見寄之什

蘇門仙籍在長嘯出風塵頗怪高賢意偏憐失路人宦情歸後澹詩境老來真
靈藥如堪斲吾將就結隣

西溟竹垞同遊房山余不及踐約口占送之

斜陽聯騎去影落好山中古寺尋碑入幽泉撥葉通勝遊關俗念閒趣就詩翁
隔斷桑乾水黃沙白草風

哭朱大司空六首

忽得彌留信驚疑欲問天更誰承絕學

公爲紫陽裔孫

忍遽奪名賢存歿真關運行藏

好算年茫茫國西路白日迫虞淵

正色持朝議從人指異同不聞廷辨語真有大臣風局定閒居後名高薄譴中
肯留毫髮恨物論久方公

罷官賓客感不署下邳門萬卷藏書第孤雲倚杖村履聲今寂寞花氣舊綰緼
從此西州泪都銷醉後魂

衣褐初相見雲泥不啻過自蒙公賞識一任俗譏訶才退江花夢神傷薤露歌
轉緣期許厚脈脈負慚多

悵斷西山路曾陪兩度游雲峯奇入夏泉味冷經秋酒許王弘送詩同魏野留
篋中高唱在讀罷泪交流

天不留耆舊人皆惜老成風流餘畫像官號定銘旌年譜門生輯文編國史評
恬侯恭謹似重望起家聲

禹尚基屬題水村圖小照二首

縈青繚白埭西東門掩檀欒倒影中千片白鷗波萬頃釣竿只占一絲風
朝衫猶絆未歸人畫裏鬚眉淡有神已辦青鞵青簪笠問渠何路出黃塵

聞周青士淮南訃信

苦口勸君去筋骸看頗強祇云當暮齒不合久他鄉病忽中途得神翻永訣傷

餘生還自歎歸計尙茫茫

楊耑木來都出示涿州道上見懷八絕句次韻奉荅

荒程野店暗戎戎灰洞連雲小驛通辛苦琉璃河畔路一天冰雪兩征鴻

時與家德

尹偕行

短衣篤速又重來雙眼摩挲試一開拚得故人驚黑瘦斷腸誰似賀方回

舊來書札屢相存難遣離愁閱曉昏今夕和歌燕市裏不知何事尙銷魂

南園一醉夢難消新指陂坳丈五高迸落客中知己淚刺梅花下長蓬蒿

乙丑初夏

同赴朱司空南園之約今司空已下世

蛾眉里族豔同時錦瑟雖工俗豈知比似孝標還曠達上年歸燕併無詩

指耑木乙

丑禮闈報罷事

橫草才情好在無髑髏猶記血模糊征南賓客今淪落怕展藍田射虎圖

冰泮西沽喚槳師

春初送司馬公南歸

久留生計太無奇白駒只合逃空谷一食場苗便

繫維

行期為爾少遲留南酒新香出竹籜楊柳作鞭花壓帽此時去住兩無愁時余方計

南歸

喜德尹至都即用道中見寄韻八首

花南硯北屋西東先築都荒想像中此意十年應共惜一般根蒂兩飄蓬
別是尋常會却奇鶴鴿沙外影離離可憐半世為兄弟兩度相逢在路岐
敝裘寒色國西門刮面西風太少恩不是雪花如掌大豈知姜被果奇溫
匪莪蓼蓼感伊蒿此際方知父母勞三尺孤墳何日築敢將門戶委兒曹
添丁從小絕堪哀抱向花前得幾回第去年始得一子名騶虞可但生兒憐絡秀有人椎髻
望歸來

少賤長貧那得辭浪遊真愧作男兒只除中酒聯吟夕不似長安下第時
八齡工賦庾肩吾五十能詩高達夫勿羨早成輕晚就天心原不薄窮途
三畝原為種稻留私逋官稅苦難酬翻因細悉家中事從此思家又起頭

曉出西華門逢吳震一

九陌紛紛路向岐毛驢馱客立多時一冬風力今朝橫吹折街南賣酒旗

盆梅同唐實君揆愷功賦

以下戊辰初春作

不借東風力全憑火候催夢隨馳驛到香自渡江來物性違移植人情惜早開
草堂留老榦冰雪戰春回

探春花再索實君和

本是丁香種先從臘尾開一叢疑積雪繁蕊欲欺梅南客今初見新詩悶強裁
君看凡草木猶帶好春來

水仙次韻

梔額檀心韻青裙縞袂姿洛波迎宓女越網得西施

用義山詩中語

脈脈含情遠盈盈

欲語遲月中曾解珮爭許俗人知

壽大司馬梁玉立先生四首

兩朝元老出名賢身繫安危四十年同日蒼生多屬目向來黃髮少隨肩金甌
社稷銷兵裏玉斧關河聚米前如此皇圖資坐鎮何煩書案更籌邊

萬騎塵清萬里風殿廷次第與論功兒童往往知司馬貢使年年問相公排闥

山光迎劍戟傍簾燭燄吐長虹太平別有經綸業無用陰符置篋中

盛事雕橋紀一時壽槐千歲尚虬枝贊皇世業平泉記樞密新堂書錦詩無價

鼎彝歸賞識有人書畫乞題辭官高依舊風流在不愧人稱海鶴姿

尺五天低韋杜城文星長傍禁垣明每因餘論諳前事雅有虛懷接後生閣上

麒麟圖早識座中鸚鵡賦難成謂丙寅春公召飲事從今一上生申頌感激曾蒙記姓名

送黼皇姪出宰大浦

青溪一條水發源自白嶽千里赴海豐赭龕為鎖鑰余家赭山口子住齊雲脚

阮巷南北分裴眷東西拓雖云支派別夫豈淵源各先朝際盛隆中葉顯儒學

煌煌兩開府先中丞京北事業恍如昨外吏實起家致身上臺閣綿延君子澤十世

不為薄汝叔秦望州牧賢掛冠去筇筴吾宗老觀察王望伯近亦返丘壑坐惜數

年來衰宗正中落家聲望子振有若水救涸子才洵超羣氣勢竚騰躍胸藏五

千卷試手高第博簇簇刃發礪團團弩張曠謂當雙兩翅一舉上寥廓何期赴

南宮六度困東郭季子金婁罄東方米徒索俛首作選人初心豈所樂之官嶺
海外道遠塵漠漠臨分當贈言古人例有作與君屬關切聊爲舉其略邑宰職
親民顧名思義托如何千百輩疾苦視隔膜寧多才地違或少寬嚴酌子今抱
經濟枳棘棲鸞鶴百弊不足釐餘情故綽綽潮州本善地貢賦雜海錯大浦居
其間頗自異煩劇兵餘奈凋瘵戶口十半削往者征南師驚駭到鮫鱷剪除兇
暴盡政虎尙餘虐仁人行撫綏所亟在民瘼大僚恣指揮小吏承唯諾省事先
省心自然破根格人散訟庭閒官清條教約蒲鞭併可去況乃痛敲扑譬如百
孔瘡難得萬金藥徐徐養元氣稍稍起積弱民風旣已佳土物矧不惡榕樹清
陰留佛桑紅燄著文禽好毛羽中有羅浮雀漿分荔子甘茶代檳榔嚼珊瑚及
珠琲過眼風掃蕩方將寶清名未肯計裝橐從來賢達意定不俗吏若屈指三
年期還朝報循卓

送沈譽生之任靖安

江西是我曾遊處風土從君一一誇郭外有山皆種竹春來無路不迷花商船

晚開臨溪碓官課先輸曬網家此去始知魚米賤十年應悔住京華

寄壽潛江朱石戶先生

半肩華髮倚孤筇萬卷奇書貯短篷日出茶煙吟甫里雨來巾角墊林宗魚標
隔竹參差見酒旆穿花次第逢如許風期誰獨占白雲高護丈人峯

桐城錢田間先生相遇都門出詩集見示中有丁酉寓長干寺投贈先
君子七律一章距今已三十二年先君下世且十一年矣感而次韻

敝廬風雨十年肩南北身隨敗葉零先爰漸如星落落殘宵愁對火熒熒詩食
記憶關心讀話到蒼涼制淚聽莫問生涯流轉跡賤貧何事不曾經

附 田間先生原作

古寺秋聲夜不扃客星幾點共飄零鐘殘隔院禪香換雨曉長廊塔火熒市
隱定從江左覓雅歌還在越中聽道人入道無他術只講床頭一卷經

敬業堂詩集卷九目錄

春帆集

將出都前輩及同學多有贈行之句短章酬別

衛凡夫郎中索題詩冊兼志別

梁藥亭以端溪紫玉硯贈行

茨棘

曉出沙窩門

張灣舟夜寄德尹都下

發舟後連遇逆風間或阻淺兩日纔

行十里許

曉起回望西山

灤縣晚泊

舟夜書所見

打魚莊遇西塞公歸舟述舊有作

口占送陳仲夔舍人還都

亂鴉

自王家浦晚至楊村驛

三月朔日

桃花寺

掛帆行

天津關用薛文清舊韻

三月三日寒食舟中風雨感懷都下舊遊寄朱公子恆齋比部三十六韻

舟晚

白廟

泊頭鎮見杏花

交河道中聞人稱河間縣政績之美

輒述其語寄彭椒崑明府

御莊舖

德州留別田雨來編修

戲恼德平令楊建垣

四女祠

夾馬營

月下聞吳歌

衛河四絕句

將至臨清州

夜泊南板閘

聞荊州兄聲山姪南宮捷音却寄一首

汶河阻牖少司馬楊公從陸路先歸余與外舅尚滯舟次詩以志別

謝孔心一大參餉酒

入牖

聞口觀醫魚者

京城西南豐臺芍藥最盛余未嘗一

寓目也今年與唐實君有約同賞復匆匆出都長途春杪省記前言時

實君已捷南宮矣作詩以寄兼示梁藥亭鄭禹梅王后張張寄亭呂山

劉徐虞門孫愷似王令詒陸冠周湯西崖吳元朗陳仲夔錢朗行皆同年進士也

阻牖十日始得渡臨清關

晚抵梁家鄉牖

東昌道中

聊城舟中再得荊州兄臚唱之信喜疊前韻

登光嶽樓

曉晴卽目二首

晚泊周店雷雨大作

入兗州境望徂徠山

南旺分水龍王廟

孫村

過濟寧不及遊南池

魚臺道中

沛縣泗亭驛二首

出牖

宿遷

雨中渡黃河六韻

桃源縣

清江浦

漂母祠

淮上曉發

遊喬石林侍讀縱棹園出圖索題

秦郵道中

紅橋卽事

...

...

敬業堂詩集卷九目錄

...

...

...

...

...

...

...

...

...

敬業堂詩集卷九

海寧 查慎行 悔餘

春帆集 盡戊辰 一年

客京師忽四年戊辰二月以外舅陸翁抱恙扶持南歸水程濡滯凡四閱
月舟中多暇以詩送日翁雖手顫不能執筆每口授余書見余作又未嘗
不色喜也到家後周旋湯藥余亦無詩矣

將出都前輩及同學多有贈行之句短章酬別

朝市山林跡總賒又扶病叟出京華一卮北酒春傷別幾度東風客負花草色
青回夾城路凍痕白退隔年沙多情通潞亭邊水穩送歸航直到家

衛凡夫郎中索題詩冊兼志別

雞鳴九衢曉城角轉星斗不忍去長安此中多好友友亦不在多同心十八九
釀錢錢歸人宴會連夕有下車揖戴笠古道君尤厚君家好門庭清不借箕帚
堂前兩株藤植自相國手 凡夫所居即 文清公舊邸春花紫蒂簇秋實明珠剖我來婁泖涇

晨對或終酉有時唉捉鼻隨意語脫口纏綿示君真坦率成我醜如此兩換年
未覺日月久君行入郎署約略歲紀丑風流白雲司下視牛馬走讀書兼讀律
楷拳等枷杻賦性非所便時時夢田畝今春始轉秩望出曹郎右好理舊襟懷
依前向詩酒我行惜薄遽唱和少于喝此地最難忘臨岐幾搔首

青田次梁藥亭以端溪紫玉硯贈行

吾家老詩翁家二瞻兄遠寄數挺墨行裝無好硯一試那易得前年送君歸許我端

溪石匆匆過三年此語時在臆夜聞君到京壺漏下初刻入門異彩發君故不

自匿欣然唉相謂前諾幸免食開囊把贈余理膩不容拭何來琉璃匣養此馬

肝色餘潤吐紫煙燈光忽被蝕吾弟德尹兩踰嶺嗜好癡已極曾拋金珠裝蓄硯

比封殖窮搜願難滿妍醜庶能識亦云此石精溫潤含玉德忽然落吾手旁晚

三太息物歸洵有數在獲詎須弋奈無十五城豈易償拱壁君才本間世海嶽

鍾奇特仙人五色裙來跨鳳皇翼飄飄凌雲賦一一好句逼留以供濡毫揮洒

固其職顧蒙謬許與降氣自摧抑我詩苦非豪邊幅守封洩近來尤懶惰故步

荒學植得錢了應酬例取加粉飾詆媒人挾喙描寫腕無力徒然辱佳惠胡取
三百億迹將返柴荆稍稍闢畛域門前一溪水潑眼清湜湜洗硯先洗塵有如
苗去賊學書兼學字尙覲名副實持君贈行具寫我長相憶因之謝吾宗墨點
漆光黑

茨棘

牛李仇初作張陳望苦深全憑翻覆手大負始終心菀柳傷餘蔭飛鴉誤好音
誰非門下客茨棘莽成林

曉出沙窩門

草綠國東門舊來送行處今朝一鞭出喜赴歸人路麥隴春未耕杏園寒尙互
冰槽沮洳濕鵝鴨各引唳遠氣如湖光蒸蒸動原樹長空豁遐矚變景失回顧
不復夢春明三年墮雲霧

張灣舟夜寄德尹都下

漁汀鳧渚夢依稀長是思歸未得歸底事得歸猶悵望可憐倦羽又分飛

發舟後連遇逆風間或阻淺兩日纔行十里許

遠歸決所從筮易利涉川意亦厭馳逐捨車遂乘船何期初放溜斷渡春風顛
罍師邪許聲蟻附百丈牽進尺旋退咫膠淺不得前廢聞二十四一一淤泥填
郵籤算南程約略踰三千一日行五里到家須兩年誰能侶鳧雁久坐煙波間
曉起回望西山
好山隔黃沙隱隱一重霧霧斂日紅時螺青出高樹

灤縣晚泊

鷗鳥灣洄泊小舸蘆溝西望樹周遭殘冰裂石頽兼岸春水如油滑上篙老柳
耐寒如許瘦壞垣經久不多高畫眉塚冷鷹臺塌一片斜陽雁下壕

舟夜書所見

月黑見漁燈孤光一點螢微微風簇浪散作滿河星

打魚莊遇西塞公歸舟述舊有作

長安棋局莫深論秉燭依然近酒樽煙火一帆春去國關河雙鬢雪添痕嘗竈

宦味經調鼎羅雀交情散署門記取故人垂老別病歸猶感向時恩

時余同外
舅附楊少

司馬
歸舟

口占送陳仲夔舍人還都

別語無多別恨新短橈明發指天津殷勤百里猶相送萬疊西山一故人

亂鴉

白項非無種烏頭亦有名野田留點點古墓去程程陣忽遮天暗貪因得食爭

君看稻梁雁失次敢先行

自王家浦晚至楊村驛

土屋多依堡民屯半屬官樹從王浦密河過蔡村寬鷗外新蘆茁犂頭細麥攢

蒲溝行未到月黑夜漫漫

三月朔日

先君子
忌辰

昨夜還家夢依依白髮親覺來三月朔又感一年春窻穿悲何地飄流愧此身

那堪寒食近南望獨沾巾

桃花寺

已過桃花口再問桃花寺獨客扣門來老僧方坐睡欲知春淺深但看花開未

掛帆行

船頭船尾收鐵貓三尺五尺堆銀濤弓張帆腹機激箭原樹却走如奔逃西山已沒烟霧裏初日欲吐春雲高須臾倏達直沽岸風勢未已猶颺颺當前有
敢飛渡又向津頭卸帆住

天津關用薛文清舊韻

地勢東來一掌平忽開官閣起崢嶸風腥曉市知魚賤客過嚴關喜篋輕暮雨
暗添丁字水春陰低壓直沽城雲帆轉海非難事誰念東南物力傾

三月三日寒食舟中風雨感懷都下舊游寄朱公子恆齋比部三十六

韻

愁中時序兼百六又重三客路流光感京華節物諳尚書期不遠別墅興尤耽
憶昔春城外陪遊小築南年年修禊事往往盍朋簪土甑茶開箬泥封酒拆壘

羽觴佳客泛蠻榼小童擔苞愛丁香破梢宜豆蔻含地衣紅匝匝石髮翠穆穆
箏擘斜行雁絲清獨繭蠶隨方呈妙技卽事借深談雜座門生列巾車野老參
幾家同上塚隨意去停驂一院鞦韆女千場蹴鞠男花遊聯竹轎芳信簇筠籃
候煖鶯吭滑烟濃蝶夢酣種桃尋紫陌看杏入茅菴隔日頻相約先期或預探
柳花登客饌帶草拂僧龕沙徑晴熏轉澄波曉鏡涵錫簫吹寂寂粥鼓報餽餽
到必移吟笈歸仍側帽簷撲翻愁墮鞦韆豪健唉驅驪後輩忘形接先生好士貪
清狂真辱愛疎略總無慚好會原難數傷神忽不堪東山殂謝傳西路避羊曇
故業留桑梓佳城閉柏楠詩曾傳魏野曲忍聽何戡只益窮途苦寧知世味甘
無人臨曲水有淚滴春潭岸濕烏銜紙船空鼠匿甌風鳶行斷續檣燕語沾
野意將舒綠川光未放藍離情風挾絮往事霧沈嵐此恨郎君識緘題寄北函

舟晚

晚色一天霞空明炫眼花濁流供飲犢新月領歸鴉野曠風長急塘迴路向斜
兩三人待渡此去必村家

白廟

一院槎枒樹居僧守鵲巢俗貧稀賽社瓦缺只編茅暗處蟲絲接塵邊鼠迹交
漁人來寄網時有一船梢

泊頭鎮見杏花

澹烟消處日初銜酒旆微風到布帆我自偶從花底過不勞蝴蝶上春衫

交河道中聞人稱河間縣政績之美輒述其語寄彭椒崑明府

客經新橋驛泊舟交河湄偶逢垂白叟借問邑宰誰蒞茲凡幾年當官何設施
叟置不一答別舉己所知爲言河間府畿南極衝疲兩州十五縣首縣又難治
黃昏簿書交白晝羽檄馳四野雜莊戶土著留子遺責之辦賦稅肉盡空腔皮
可憐牧民官往往猶鞭笞追呼力不任竄身并歸旗方將計囊橐焉問疾苦爲
前年來好官忠信神明慈聞官乃彭姓門第江南推祖父盡公卿家業貧難支
到官但飲水一意存撫綏不承上司喜不顧同列嗤不假左右手不煩誥誡辭
赤子視吾民子忍父母欺卽如春夏交輸課有常期鑿鑿三堂鼓出早退每遲

文書赴期會閒暇無停披木甌設中央金錢隨所齋吏前但執算毋許參一詞
一日投百封數計若察眉半月率滿甌封識宛不移明朝上大府手不沾毫釐
自餘了無事止酒或賦詩官清民力寬漸漸歸流離比來俗大變迴絕非曩時
朝廷方勤民下問旁諏咨大府昨薦達某官轉高資分明馴雉歌載在墨吏碑
坐令惠愛政平平覺無奇誰能持此情流傳向京師言罷歎息去春風吹鬢絲

御莊鋪

小縣他時號阜昌近城曾築讀書堂不須更唾劉郎面豕柵牛欄是御莊

偽齊劉豫

僭號更阜城爲阜昌郡城北有讀書堂城南有御莊鋪明程篁墩詩有居人不唾劉郎面猶把亭名號御莊句

德州留別田雨來編修

帝里經年別書來少北郵故人多請假游子暫稽留風雨燈前話江湖夢裏舟
一筇雙不借行踏半塘秋

戲惱德平令楊建垣

草接平橋水拍津好風裙帶跨驢人清狂幾許冶情在惆悵自嫌官裏身

四女祠

在恩縣西北四十里土人云漢景帝四年貝州人傳清字景山妻羅氏無子生四女守志養親終身不嫁各植一槐以明己志

四女通釋氏書曰頌法華其後拔宅昇王建詩注云周宇文氏始置貝州漢時未有此名自是傳聞之訛考唐人王建詩注云周宇文氏始置貝州

處士之女也曰若華若昭若倫若憲若菌其父老病誓不嫁以奉事之云按貝州乃今恩縣及清平地疑此即是矣

何處著鶯花春深孝女家門前古槐樹兩兩聽慈鴉

夾馬營

櫪馬驚嘶嘶不止紅光夜半熊熊起男兒墮地稱英雄點檢還朝作天子陳橋

草草被冕旒版籍不登十六州却將玉斧畫大渡肯遣金戈踰白溝隔河便是

遼家地鄉社枌榆委邊鄙當時已少廓清功莫怪孱孫主和議君不見蛇分鹿

死關西京豐沛歸來燕代平至今芒碭連雲氣不似蕭蕭夾馬營

月下聞吳歌

客愁今夜較偏多歸路三千尚隔河五十六回圓月底南來初聽本鄉歌

衛河四絕句

王弇州有衛河八絕多敘行役之苦于風俗有所未備輒隨所見補之

河流千百曲來往候風信東南西北間那得灣灣順

微雨曉來霽孤雲斷不還黃沙千里道何處著青山

佳人跨驢去隔岸是娘家渡口風長好吹開單面紗

茅屋曾邊市蘆場柳外橋誰知燕趙地生計儘漁樵

將至臨清州

小雨吹午晴菜花黃被阪方愁白日暮又惜芳春晚河流合汶衛客路投東兗
樹杪見浮圖去城應不遠

夜泊南板閘

來從漱玉響淙淙一枕神清靜聽中只似秀林亭下宿隔窗今夜雨兼風

北河紀漱

玉泉在州城內秀林亭在州城外

聞荊州兄聲山姪南宮捷音却寄一首

各有高堂奈老何此情真足慰蹉跎到家鵲喜連朝有照客燈花昨夜多從此
朋遊推二阮向來場屋說三羅壯心自倚消難盡歸去羞爲伏櫪歌

汶河阻牖少司馬楊公從陸路先歸余與外舅尙滯舟次詩以志別

昨歲春風記出京再來何意得同行熟經世路歸貪早老念貧交別忍輕水落
汶河停去舫花穠淮岸待行旌竹萌怒長櫻珠綻鄉味先輸一月程

謝孔心一大參餉酒

城南高會已多時曾和東風芍藥詩賞到鶯花春爛熳醉題襟袖夜淋漓尙書

沒後園空鎖謂朱大司空騎省歸來鬢有絲多謝故人猶念舊一樽重對却成悲

入牖

萬派東南傾水勢本趨下何年迴地脈一股西北瀉自從燕建都饋饈吳楚藉
千艘萬艘尾重載接春夏黃河故道移東向海門射如殼水犀弩潮汐俱退舍

支流導不得脈絡乃近借沂泗濟汶洸橫滂孰分汙九十七名泉會通河在濟寧州城南南

抵徐州達清河入淮北經臨清州合衛河入海沂泗洸汶入漕之泉九十有七扼吭走一罅綿綿數百里寸寸阻成壩

層層板堵束宛宛巨綆架通透蟻穴穿點滴糟床醉一牖守一官役夫供咄咄

么磨成鬼怪有若腐鼠嚇毫釐日主進傲慢禮無迓糧船排幫來客棹何從駕

汴堤鄭國渠事往役隨罷豈惟滋禾黍兼可活桑柘不聞溝洫成止用通艫舩

奈何并梗塞行旅見來乍我生昧時向永與捷徑謝所遇總紆途濡遲復奚訝

閘口觀罾魚者

插河一綫才如溝戢戢魚聚針千頭其中巨者長二寸領隊已足稱豪酋爾生亦覺大局促漂漚散沫沈還浮不知世有海江闊長養何異蒙拘囚縱教族類繁鰕魴變化詎得同蛟虬居民活計乃在此勞不撒網逸不鉤竹竿網罾密作眼鴛以一葉無篷舟朝來暮去尋丈內細細粘取銀花稠庖廚却緣瑣碎棄曝向風日乾初收微鯉苟適飼狸用性命肯爲纖毫留吾聞王政雖無澤梁禁鯤鮪尚有滄池游人窮微物必盡取此事隱繫蒼生憂一錢亦徵入市稅末世往往多窮搜

京城西南豐臺芍藥最盛余未嘗一寓目也今年與唐實君有約同賞復匆匆出都長途春杪省記前言時實君已捷南宮矣作詩以寄兼示梁藥亭鄭禹梅王后張張寄亭呂山瀾徐虞門孫愷似王令貽陸冠周湯西崖吳元朗陳仲夔錢朗行皆同年進士也

四年騎馬客京華不問豐臺賣酒家已約同遊向春尾獨憐回首又天涯驪場
易醒繁華夢貧女羞簪富貴花但是成名寧論晚少年能得幾人誇

阻牖十日始得渡臨清關

明知前路方多牖且喜今朝已渡關薺菜花開春事了荒城十日鬢催斑

晚抵梁家鄉牖

十里五里程三板兩板水遠寺有鐘聲朧朧烟樹裏隨風渡渚去已斷還復起
獨客此時聽孤燈壓篷底

東昌道中

黃沙碧草兩無情鷓鴣愁聞第一聲辜負遺山詩句好杏花開後過聊城

杏花
尊酒

記聊城元
裕之詩語

聊城舟中再得荊州兄臚唱之信喜疊前韻

才藻稱量去幾何有誰高占五經科一名縱使輸人後頭地終看讓爾多逸足
逢時爭築館高鴻回首笑張羅青山憔悴無如僕破涕猶能擊楫歌

登光嶽樓

聊攝城端万木風，層樓高勢拓齊東。
晴光過雨浮浮白，初日迎帆靄靄紅。
汶水曲流荒甸北，泰山遙指亂雲中。
綠蕪滿眼春垂盡，獨倚危欄看斷虹。

曉晴卽目二首

水潤沙田鑷稊犂，
參參兩岸麥頭齊。
柳綿已被風吹盡，
不化浮萍但作泥。
灘平風軟出前津，
畫舫南幫自作隣。
一練波光如拭鏡，
翠煙扶起柁樓人。

晚泊周店雷雨大作

已作迴風半日涼，忽聞雷雨洒淋浪。
洪流赴牖增雷勢，一綫穿雲走電光。
斑籜定抽苔徑筍，綠針初翦水田秧。
喚醒孤客田園夢，剩有蛙聲似故鄉。

入兗州境望徂徠山

青山雅淡如故人，何可經時不相見。
我行久與故人別，轉向青山增眷戀。
來從燕趙歷齊邦，千里平沙黃一片。
眼前俗物厭勑塞，物外心期失葱蒨。
朝來雙眼豁然開，已報汶流通魯甸。
日高螺髻轟諸峯，天遠修眉浮半面。
含姿獻態各自

媚一老峨峨聳冠弁茲山洵屬魯之望指點兒童悉能辨猶傳有道石先生六一垂銘抵佳傳聖人已遠道僅存此事終應賴狂狷景行併作高山仰恍惚風流覲前彥白楊風急不少留片帆忽過東阿縣

南旺分水龍王廟

兩龍爭掉尾萬馬各隨羣勢自中流劈聲猶隔岸聞江河雖日下南北竟平分先寄歸心去吾家傍海濱

孫村

村繞河流一曲路分湖面三青蜓雨催麥秀黃雀風開棗花蘆邊橋影人影林外漁家酒家漸近南中土俗居人多食蝦蟆

過濟寧不及遊南池

人咲平生頗好奇勝遊到處每差池曩在武昌不登黃鶴樓過長沙不游岳麓書院故云不才自信能藏

拙況有光芒李杜詩

魚臺道中

一碧開平遠，居人就土泉。斷山連石麓，涸水益湖田。風俗佃漁地，菰蔣雁鷺天。自慚生理拙，飄泊過年年。

沛縣泗亭驛二首

萬乘還鄉父老迎，大風歌罷氣崢嶸。不知何事翻垂淚，方覺英雄別有情。
一劍親提帝業成，粉榆猶動布衣情。沐猴豈是真龍匹，富貴徒誇畫錦行。

出牖

煙波六十宿，淹泊情不洽。前途得通津，客況喜出牖。平流一川穩，叢葦兩岸夾。好風綠陰來，黃鳥啼恰恰。南船各相傍，北客焉得狎。蠻歌楚儂和，香稻吳娘舂。明知漸近家，畏路接眉睫。近聞黃河流，怒氣中尙挾。治河如築舍，國計司農乏。盡輸竹榷沈，更費柳帚壓。坐視淮泗民，爲魚驚鵝鴨。餘生猶應役，婦女助畚鍤。廟堂宵旰憂，疏淪豈無法。九年始殛鯀，厥罪浮令甲。書生托空談，快意取一霎。作詩攄憤懣，強韻苦難押。

宿遷

纔過桃花漲沙痕嚼岸新孤城依井底三面轉河身
鼉居相雜蛟龍性不馴
長聞淮泗滿嗟爾一方民

雨中渡黃河六韻

直放東南去無風自作聲中流帆影沒遠樹浪頭生
雲與平蕪際灣隨曲勢成
竟同浮世濁待得幾時清官柳行行密鷗對對輕
空濛三十里轉眼失孤城

桃源縣

廢綠春荒瘠土耕河壩小縣併無城
武林雞犬應相咲如此蒼涼浪得名

清江浦

淮山浮遠翠淮水漾深淥倒影入樓臺
滿欄花撲撲誰知闐闐外依舊有蘆屋
時見淡粧人青裙曳長幅

漂母祠

慚愧恩叨一飯深當時果否識淮陰
後來不却千金賜難說初無望報心

淮上曉發

一雙開

紉如五鼓催船發輪及高城下弦月已聞兩岸過鈴聲燭燭曉星光未沒依稀
枕上續歸夢尙隔江湖浩難越起來照影向清淮愁見塵顏映華髮往還跨下
橋邊路萬事回頭總飄忽只有年光不負人鯨魚絮煖蓴絲滑

遊喬石林侍讀縱棹園出圖索題

海棠花紅紫藤紫日日酣歌向燕市別中兩度負春風短棹來尋白蘋汴弈棋
時局經眼見去國名高今有幾先生一賦歸來辭多少陰功被桑梓朝廷已用
當時議海內方思正人起那知一意方掉頭風月無邊任驅使別開小墖植籬
援汀澹三鷗板橋水水窮橋斷去無路賴有輕船纜沙尾迤邐初疑村落傍灣
環忽轉高城趾蔣芽荻筍芰荷葉淨綠澄鮮雨新洗釣絲影裏亭榭開萬瓦鱗
鱗動波底琴床旋傍曲檻設門徑從教比隣徙梅邊補種竹數竿柳畔移栽花
万蕊莫言此樂乃易得拋却金龜纔換此假公尙直蛾眉班夜枕終當夢田里
斜街草堂縱峻絕未免浮塵洒窗几空看圖書憶故鄉何似收身圖畫裏只今
杖履歷真境愛護猶珍一幀紙經過不拒野人遊敢惜留詩嘲鄙俚水南地空

多莎草鷗鷺成羣占涯涘許我閒撐放鴨船與公唱和從茲始

余亦以放鴨圖索公題句

秦郵道中

高田半沒低田淤小舟賣藕兼賣魚可憐活計墮水底盡是失業耕田夫湖波怒嚙孤城口一派萑苻萃淵藪但望南風長黍苗不須東岸栽楊柳

紅橋卽事

對門楊柳慣藏鴉斑竹籬前姊妹花十里珠簾消不得扇紈風起客思家

敬業堂詩集卷九

敬業堂詩集卷十目錄

獨吟集

外舅陸射山先生挽歌二章
重過聽鶯齋留別徐淮江二首

虎丘
吳門與惠研谿舊話

京口遇朱悔人
三月二日揚州作

上巳過平山堂下
晚宿大儀鎮

天長縣北郭外垂柳夾堤清渠一道土人云即汴河也

自盱眙北界沿洪澤湖西北行晚至高家堰

黃河待渡
澗橋

大霧新灘道中
次日發沐陽渡小溝河大霧復作次

前韻
紅花埠至曹村四十里間桃李夾路

大風
寒食行

清明日蒙陰道上觀鞦韆戲作
新泰旅壁見故人周青士題詩愴然

繼和

過西嶺數里許土岡微起道傍新立

大木榜署古新甫山五年前經此未嘗有也

望岱

癭俗戲和次谷兄

開山廟

曉過平原

重宿德州有懷研谿西厓

河間道中

與彭椒崑

椒崑座上喜晤王赤城兼讀集中見

天寄詩知與余神交有年矣短章奉謝

趙北口

自雄縣至白溝河感遼宋舊事慨然

作

過涿州懷楊耑木

三月晦日飲朱十表兄槐樹斜街新寓同梁藥亭吳震一作三首

豐臺看芍藥同家次谷兄陳元之甥四首

次韻送梁藥亭庶常請假歸南海

夜聞孫愷似家絃索聲戲束索和

合肥大司馬李公席上聽楊老彈琴

朱恆齋招余下榻齋中書此示意 移寓次譚護城給諫韻二首

移寓後喜魏禹平早過 題蔡方麓修撰早朝圖二首

暑中坐敬如西齋竟日 西厓久患耳病詩以訊之

喜雨對榻有懷西厓聯句二十六韻

古銅筆洗聯句 集槐樹斜街苦熱聯句

醜舫消夏分賦涼蓬 次韻奉送大司空翁公請假歸虞山

二首 初秋同胡修予王令貽王文子林碧

山程天石家荊州小飲雙林寺荷亭上次韻

題許壺山小影 牽牛花十二韻同竹垞兄賦

贈如臯許嘿公 雨中同竹垞兄過恆齋飲次竹垞韻

西郊雜詠與竹垞水村分賦五首 三虎橋 昌運宮

松林院 元福宮 摩訶菴

次韻送卓履齋 次韻送周林於歸梅里二首

次韻送高念祖遊晉中

天寧寺觀塔燈聯句

九日雨阻天寧寺聯句

送次谷兄南歸次汪東川祭酒韻

送江補齋侍御巡鯉長蘆次禹平韻

王孟穀重至都門

敬業堂詩集卷十目錄

古詩卷之十

送次谷兄南歸

喜雨後賦詩

暑中坐涼

送次谷兄南歸

未嘗觀醉余不辭

敬業堂詩集卷十

海寧 查慎行 悔餘

獨吟集

起己巳正月盡九月

去夏到家外舅陸先生風孿漸減猶冀稍延歲月也乃今二月竟爾不起
余既視含殮復徇故人之招匆匆北上關山獨往觸緒悲來不禁涕泪之
橫集也

外舅陸射山先生挽歌二章

公亡先友盡孤露感吾生別有無窮泪非關兒女情破家緣結客玩世亦逃名
不比陶元亮徒高處士聲

吳天春夜月偏犯少微星昨去扶衰病今來失典刑履綦雖寂寞畫像儼精靈
世乏中郎筆誰為有道銘

重過聽鶯齋留別徐淮江二首

一度相過一愴神尙書宅畔老松筠年時地主無多在狼籍江關况酒人

傷程禹聲

家韜
荒也

雁行啼過雨瀟瀟往事深燈又此宵記得小船秋港別葦花遮斷賀家橋

世之虎丘

又作山塘一日留相逢往往說宸遊朱欄路轉千人石黃瓦春開萬歲樓花

柳時清無隙地管絃興盡有迴舟繁華何與閒僧事添炷香燈照白頭

公立吳門與惠研谿話舊

燕市歌狂散酒星勞勞三百五長亭桃花影裏抽帆路流落江東剩兩萍

謝京口遇朱悔人

丁卯橋荒感再經勞人雙鬢各星星一帆北固烟初暝二月南徐草未青京洛

夢回同斷梗江湖天闊但浮萍春愁滿眼分襟路怕上旗邊舊酒亭

三月二日揚州作

鈔關門外綵層層三月烟花見未曾張得水嬉還望幸艤船絃索上紅燈

時傳大

駕已幸
淮陽

珍傲宋版印

上巳過平山堂下

發軔維揚城茗茗入塵陌不逢湔裙女但見騎驢客平山平似岸夾路植松柏
堂空感良遊事往念前哲當時手種柳搖落那禁折斲此駐征鞍一帘風向夕

晚宿大儀鎮

萬乘方南巡孔道車湊輻我行取紆折路僻馬不熟臨岐徘徊鳴旅況愴孤獨
廣陵繁麗地咫尺異風俗沙田廢牛耕灌莽抽新綠人稀鳥巢少鴉鵲爭一木
村童弛樵擔古佛棲草屋杳杳望炊烟荒荒晚投宿

天長縣北郭外垂柳夾隄清渠一道土人云卽汴河也

萬葉千梢映碧波一條虹影曳坡陀天長縣北聞人說此是隋家古汴河
自盱眙北界沿洪澤湖西北行晚至高家堰

淮泗方合流洪湖際溟漠水所從來高其勢建瓴若長堤巨首尾力敵萬鎖鑰
近傳泗州城三板沒郭郭澄波見井竈了了魚蝦躍淮陽地尤卑東岸狂瀾劇
十年費國計万杵鳴橐橐排椿內登石陡起堵墻削禹功紀告成注海有疏淪

不聞當橫流扼吭恣噴薄決口既須塞減水孰開鑿自唐堦以上決口三十四

回河之議蘇頌濱云回河雖罷減水猶存是也九道湮成河洪澤以下向成河九道沙田梗流惡放之使行地汗

漫無歸着天下本一家揚州忍為壑移亡及身事丘墓傷淹泊可憐水鄉民不

及鼃黽樂 九重亟軫念南幸求民莫河嶽盡懷柔淮神敢行虐天功即帝力

愚賤矧可度我來愛漣漪正值沙水涸一程滌煩懣清曠迴踰昨夕陽射湖東

欲落尚未落忽然得新句放眼向寥廓一黃土入云

黃河待渡

遠行疲長途春晝赴急景柅車柳陰下稍覺白日永黃埃渡河來風氣變淒冷

奔湍怒流濁拍岸高過頂千檣萬檣形倒視無一影沙崩人跡散月上波響靜

衆涉叩敢爭及茲放孤艇

堂空瀾澗橋

風色轉河壩春光滿淮甸阪被菜花黃籬窺野桃蒨朝陽出疎樹蘆屋烟中見

饌無登盤魚戶有啣泥燕從人問前路已近清河縣

大霧新灘道中

陰霾忽交集一氣吞平沙如入大海中瀾漫四無涯前行泛孤鷺後旅延修蛇
似密忽已疎稍開旋復遮大塊任勃塞陽烏斂光華朦朧一鏡懸注視眼不花
方當掩靄際正氣難勝邪無何廣漠風披豁青天霞君子視洞達毋令道里差

次日發沭陽渡小溝河大霧復作次前韻

昨日如細雨今晨同歎沙廣川橫我前截岸作兩涯晷如壯士劍當道分長蛇
亂流苦無舩林黑影被遮僕夫牽馬渡閭閻迷春華路旁玉瓏鬆結作野草花
老農識占候何笠歌汗邪連霧知大風暮雨看晴霞人事難預測物理永不差

紅花埠至曹村四十里間桃李夾路

遙林春鳥啼客枕促晨起有村有園圃無處無桃李烟氣薄花光迷濛四十里
方當鞍馬倦忽值風日美欲去轉躊躇北行恐無此

大風

新月夜生暈朝來果作風初聞響騷騷停午聲蓬蓬砂礫本附地簸蕩忽向空

遙天失其青皎日爲之紅憶昨衝霧雨兀如醉夢中行當快掃除何復遮溟濛
勃蹊向六鑿無地置我躬有目欲使昧有耳欲使聾口鼻比山澤呼吸恐不通
五官心則靈獨覺非外蒙涉川畏波浪遵陸愁霾冪男兒歎失意豈必皆途窮
平生塵土緣鹵莽焉知終去去洗垢濁還君憔悴容

寒食行

老鴉銜紙錢飛上白楊樹破廬誰氏子挈榼上冢去新鬼土作堆堆平鬼亦故
百年過鼎鼎孰者非朝露安知今樓臺不是昔墟墓十年寒食節九度他鄉路
看到野棠梨荒山春又暮

清明日蒙陰道上觀鞦韆戲作

隔牆聞笑聲人在花枝下花枝旋搖動傍有秋千架何人挾飛仙天半飄裙袂
瀏漓俄頓挫按抑還騰躡力怯不自持身輕若無藉柳絲妬腰細捲起向空掛
却下整雲鬢神情自閒暇魯邦喜遊冶民俗廢桑柘已經上巳辰纔過百六夜
新粧與靚服往往出茆舍鄉風隨俗有客路關心乍未免憶江南家家好亭榭

新泰旅壁見故人周青士題詩愴然繼和

歎息溪南老生涯詎忍論有詩題壞壁無計臥窮村去作京華客歸招旅櫬魂
乾坤吾哭汝塵土上啼痕

過西嶺數里許土岡微起道傍新立木榜署古新甫山五年前經此未

嘗有也

南眺東蒙峯北瞻泰岱巔相望三百里徂徠處其間新甫特土壤居然亦名山
石老柏不生荒榛互綿延文人好夸大後世事或然曼碩告寢成煌煌郊廟篇
移風繼周頌孔子經手刪不應闕宮什失實載簡編魯邦巖岫多高峙爭孱顏

今聞非昔指彼此揣度懸年往事易訛況加附會牽我欲正此謬詩成恐難傳

王伯厚困學紀聞云魯頌徂徠之松後漢注兗州博城縣有徂來山新甫之柏
傳注不言所在惟後魏地形志魯郡汶陽縣有新甫山通典漢汶陽故城在兗
州泗水縣東南

望岱

山形陡然來其勢乃易量孤根雖秀拔羣岫或爭抗泰岱四岳宗宇宙虞隘妨

去聲 大麓起沂州鱗鱗疊巒嶂客程窮五日日日坡陀上不知去平地已是幾千

丈漸覺所歷高縱眼快前嚮昨經新泰郊突兀方示象將開意忽會在遠神彌

王霞氣舉之升隔天樹屏障龜蒙挾鳥繹連絡走相傍徂徠亦兒孫未可儕輩

行其他况培塿倚伏同一狀今朝及山趾耳目嗒焉喪便思躡芒屨去倚扶桑

杖天門沈寥開万里詖蕩蕩仰瞻星漢逼下掃雲海漲雞鳴日觀峯倒影出摩

盪惜哉身未到祇用窮想像秦松漢代柏盤攫倘無恙碑憶磨崖鐫亭思駐蹕

創賢君七十二踵事規撫壯如何太史文隱躍時近謗誰陳封禪頌體格要有

當游蹤觸覩記卽事語敢放覽眺存古懷終期慰遐暢

癭俗戲和次谷兄

晨辭泰安州午達長清境石欹行礙步土燥俗少井木瓢酌山窪歲久必生癭

醜形婦女甚戶戶裁闊領東坡詩闊領先裁覆癭衣牛病垂老胡豕肥縮短頸苦開脹河豚

餘怒鼓蛙黽兒郎打銀釵亂髮時一整野花插偏髻陋質寧自省

開山廟

磽确苦厭山出山愛蒼翠迴看青蓮花一一吐烟際綿連魯齊界豁達燕趙氣
黃塵有時開白日曬平地輪蹄倚空闊所向莽無避蹭蹬身已經吾行方按轡

曉過平原

宿醉兼殘夢朦朧過幾村明星天一角紅日縣東門四面柳陰合千家烟氣昏
朝來好風色躍馬過平原

重宿德州有懷硯谿西厓

德州城邊三月杪桃李家家傍清沼擊船人見跨鞍人一色春衫青鬪草令君

載酒遠見餉

去年春杪泊舟德平楊令君攜酒相過

侍史求詩近相惱風流學士田先生

兩來編修騎

馬來尋苦不早城端角聲門欲閉話別匆匆語難了杯闌却記惠與湯此地會
誇紅袖好詞題裙帶付張態曲記油車嫁蘇小每攜行卷誇向人不信裝囊易
傾倒爾來好事復誰繼只有征埃催我老春風兩鬢添幾絲又是去歲看花時

河間道中

沙路條條似前行曉易迷牛鳴新店火月上阜城雞古埃烽煙靜遙天樹木低

數錢工姘女詩橐笑空攜

與彭椒崑

時宰河間縣

別裏三年夢初疑作吏難衝繁畿輔地辛苦牧民官元結詩仍好安仁費未殘
合并無限喜爲爾一加餐

椒崑座上喜晤王赤城兼讀集中見寄詩知與余神交有年矣短章奉

訓

故人知我來埃騎迎郊甸相逢車笠間尙作文酒讌後堂出嘉賓齒序列筵纂
爲言老兄弟結契自少賤我初熟君名想像得君面邂逅此會奇心期慰依戀
酒酣出新句唱和近成卷語妙非俗觀篇終有餘善錄歌謬見及卒讀訝深眷
僕本田間人無端去鄉縣奔馳十年事迅若釋絃箭挾瑟與彈箏隨時技羞變
重來有何趣翼塌孤飛燕猥蒙許與加力薄已難踐從君生感激別淚爲一泫

趙北口

燕南趙北際地是古易州兩淀亘一隄

隄南爲白洋淀北爲黃洋淀

隄長若橋浮前年驅車

過潯淖沒我耕雨脚颯颯垂心懷失足憂至今旅枕夢澁縮不敢投茲來喜春
霽日色和且柔晨餐具鮮鯽門有曬網舟飛沙隔岸來風削墮浪頭俯見夾岸
柳枝枝倒清流人生各有營偶過難久留愧此千頃綠一雙雪毛鷗

自雄縣至白溝河感遼宋舊事慨然作

已割燕雲十六州雄關形勢咲空留兩河地與中原陷三鎮兵誰一戰收細草
鳴鼙非故壘夕陽飲馬又中流長江南北天難限一綫何煩指白溝

過涿州懷楊耑木

廟社樓桑跡僅留城南緩轡記同遊春風又送孤陰客一背斜陽過涿州

三月晦日飲朱十表兄槐樹斜街新寓同梁藥亭吳震一作三首

槐街舊與一峯隣

一峯喬石林侍
讀舊寓堂名

酒甕重開爲洗塵最喜今年春帶閨遲來猶

作看花人

兩株桃樹手親移紅影紛紛落酒卮特與幽庭添曲折秣稭纒縛篋籬

古藤陰下三間屋爛醉狂吟又一時惆悵故人重會飲小箋傳看洛中詩

是日
得家

德尹洛中
所寄絕句

豐臺看芍藥同家次谷兄陳元之甥四首

不用穿花坐竹兜蹇驢
馱客穩如舟垂楊十里綠
陰合中有一雙黃栗留

意外穠粧鬪眼新
無端一咲爲迷津
妬他誤馬隨車處
出色花枝不避人

紅豔羣羣綺陌遊
春風繭栗憶揚州
十年一夢依稀似
老眼貪看分外羞

孟公愛客不尋常
知我錢空買醉囊
特遣白衣迎半路
一壺重發少年狂

時陳實齋

遠致酒
肴見餉

次韻送梁藥亭庶常請假歸南海

但使官情澹何妨
老耐貧忍拋同醉伴
還對獨吟人
草色留書帶
槐陰借比隣

荔枝紅過嶺一騎是歸塵

夜聞孫愷似家絃索聲
戲柬索和

歌頭酒尾惜惜夜
懊惱燈光却被遮
略似香風吹夢醒
一番芳事屬隣家

合肥大司馬李公席上聽楊老彈琴

臥遊堂北夜愔愔及記年時刻燭吟別後人誰憐廢瑟爨餘公自賞孤琴衆山
圖畫聲相應一技工夫老更深慚愧重來聽雅奏也應情感爲知音

朱恆齋招余下榻齋中書此示意

君家春草堂舊是讎書地手澤尙如新忍添遊子淚

移寓次譚護城給諫韻二首

貪得槐街近作隣

舊寓去竹地最近

再遷吾意亦逡巡無端併誤將雛燕一月遽廬認

主人

雁齒檐齊落井湄清泉飛出起淪漪
轆轤本爲澆花設一折流成洗硯池
病夫爛惰朝貪睡最怕車輪撼竹床
此地市聲來較遠輕雷隱隱過隣墻

移寓後喜魏禹平早過

莞枯庭幽愛客來籬邊一徑恰新開
曾經昨日爭棋處拾得花陰墮子回

題蔡方麓修撰早朝圖二首

水精簾捲月如鉤侍史粧成盡下樓
比似早朝還較早不教君起看梳頭

花冠催曉漏聲微
樺燭光中翠袖圍
未拂御爐香已透
玉纖親捧上朝衣

暑中坐敬如西齋竟日

蕉心展卷放高葉
藤蔓著花垂嫩梢
笛簟一床書萬卷
紙窗南北綠陰交

西厓久患耳病詩以訊之

藥鐺烟氣散清晨
薄病風流又過春
街鼓不傳眠較穩
砌花貪看眼長新
對床尚憶聞雞伴
一震翻憐失箸人
好與緡書報方法
滿壺社酒乞比隣

喜雨對榻有懷西厓聯句二十六韻

觸熱來京師驕陽值乾暵平馬
僑居隔隘巷欲出愁喘汗重夏
濡髮頭濯冰燎毛背

炙炭平馬
爍爍火帝輪赫赫炎官繳重夏
烏焚顛木巢蠅嘍削瓜案平馬
居人苦燂灼

行者防糜爛重夏
側聆清禁中一月徹宵旰平馬
魯史陳舞雩周詩誦雲漢重夏
不傳

避暑銘每厘當食嘆平馬
吏無酷可烹禮有典乃按重夏
桐魚瘞壇圻金雞釋狴犴

天心倏已移雲氣滃不散重夏
電雷震兢兢溝水鳴灌灌平馬
急來扣扉聲拉雜

屋壁捍重夏
捲書君劇喜踏屐我奚憚平馬
榴蕊紅洗粧梧蔭翠流榦重夏
潤拚沾幔

濕密愛拓窗看平禹 攄饒魚登梓戶小杯舉重夏 鬱襟快哉披短幘頽然岸平禹 雖

當醉眼纈未許鼻息重夏 憶昔斜街西吾友客僧館平禹 聯吟秋歷九聽雨夜過

半重夏 往事忽到心暗嗟流景換平禹 虛名三子曾失意二人但重夏 預憂燭見跋冀

聽響達旦平禹 凌晨過東隣老樹恣所玩重夏

古銅筆洗聯句狀如荷葉中有銀魚長半寸許三足皆作螺形

土花蝕已徧平禹 雅製近宣和重夏 片葉翠遮硯平禹 一珠圓滴荷重夏 露鱗沈白小平禹

烟殷帶青螺重夏 欲遣詩塵滌平禹 濡毫墨幾多重夏

集槐樹斜街苦熱聯句此首已刻曝書亭集今附見

苦熱今年甚幽州亦蘊蒸朱茂 久無甘雨降惟見火雲升姜宸 際夜焦煙合經

天杲日恆徐善 高林枯白帶淺泚露丹稜王原 最怕衝灰洞何須堰戾陵黃虞 河流

金口膩山翠畫眉層朱彝 黑螟潛難見商羊舞莫憑萬斯 新畬荒黍稷遺種慮

蝨騰張遠 零隊分行綴祠官典故徵譚瑄 力難驅旱魃咒乃試番僧慎行 童女雙丫髻

旂竿五色繒李澄 新粧朱箔捲雜戲綠衣能魏坤 虹霓羣情望塵埃萬目瞪龔翔

疾雷無影響長轂但鞞鞍釋淨銷夏愁無策聯吟喜得朋湯右盡諧微徑入不

待小僮鷹朱儼席帽人人脫亭欄處處恁鄭覲劇談多野趣苛禮必深懲錢光旅

跡頻年共鄉心觸緒增茂小航思劃槳精舍憶擔簦宸白剝烏頭芡青牽紫角

菱原夕風嘶麥蛭橫港沒魚鷹竹樹濃於畫笆籬密似罾彝千家花滿屋六月

稻交媵右自失江村樂翻憐毒暑仍斯黃沙隨扇集白汗比漿凝遠易漬牀牀

簟空支院院棚檐稀珠市果價倍玉河冰慎槁落含香蕊攀峯葛格藤晉暗窺

蛛網縮乾拆燕泥崩翔戶撒垂簾額瓶添汲井繩儼慵尋温水浴只想冷硯登

瑄三葛衣猶重雙絲履不勝撥書嫌走蠹懸拂倦驅蠅坤祇覺攀拖便誰甘糲

穢稱覲到門防客刺無地曲吾肱彝亟買泉澆圃同貪草藉芳茂酒拚河朔飲

茶愛武夷秤宸返照斜初斂微涼暮可乘原分曹爭射覆四座百觚騰慎行

醜舫消夏分賦涼蓬

平鋪一面蓆高出四邊墻雨似停船聽風宜露頂涼片陰停卓午返景入斜陽

轉憶臨溪宅松毛透屋香

次韻奉送大司空翁公請假歸虞山二首

特賜外卿上冢還履聲暫許撤朝班官情自領升沈外物望同歸進退間圖畫
重開供帳路雲山新署草堂顏依稀文靖城南墅只隔蒼煙水一灣

布衣重上退賓堂多愧南豐一瓣香場屋感公憐被放橋門回首憶分行如蓬

旅跡仍難定似海恩門豈易量不覺臨歧成雪涕車輪那得比迴腸公為國子祭酒余受

知最深

初秋同胡修予王令貽王文子林碧山程天石家荊州小飲雙林寺荷

亭上次韻

共喜聯鞍去精藍古堠邊斷橋花底鷺高岸柳陰蟬野意迎涼爽秋容得兩鮮

昔遊吾自記塵土夢三年丁卯春與時菴先生小憩於此

題許壺山小影

共識丹徒一布衣曾將健筆動宸扉如今却伴梳翎鶴縱有煙霄已倦飛

牽牛花十二韻同竹垞兄賦

添得新秋意幽芳豔一庭開長先七夕名許拆雙星宿露涼初洗朝陽夢乍醒
籬頭從點綴竹尾借娉婷徑淺疑妨帽窗疎愛拂檣蜘蛛簷角網蟋蟀草邊亭
垂處梢梢碧分來朵朵青有人簦綠鬢無分插花餅輕較春天蝶微黏雨夜螢
肖形嫌鼓子妬鳥啄金鈴榮落誰相惜涼暄爾慣經寫生煩妙手渲染上圍屏

贈如皋許嘿公許工篆刻

曾摹一卷岐陽碣只作西周舊本看好古未妨生末世成名終不藉微官許會宦閩

中眼中識字如君少老去知音較昔難料合中原無手敵莫教旗鼓更登壇嘿公

向受知於合肥龔尙書其贈詩有寄語揚州程穆倩中原旗鼓正相當之句

雨中同竹垞兄過恆齋飲次竹垞韻

儻居長喜接京坊但約相過便對床數點忽飄花外雨十分初透竹間涼詩食
老境甘如蔗醉覺香醪味似糖還有持螯餘興在隔廚燈火聽鳴薑

西郊雜詠與竹垞水村分賦五首

三虎橋

很石怒趁人風聲挾秋雨馬驚左右顧橋滑路難取誰呼北平守三發三飲羽
我欲從之游入山射真虎

昌運宮

老鸛巢古枝虛廊交冷翠淒涼前代塚傳是張常侍煌煌元老文苔蝕仆碑字
賜域滿西山斯人或無愧

松林院

珍果充尙方嚴鑄守花木今年上供缺夏旱秋不熟僧庖拾枯枿客飯烹野蕪
莫怪鳥來稀疎林葉俱禿

摩訶菴

修竹如高人閒花比靜女移根入廟市束縛吾憐汝人生屬有役物性便得所
及此憩茆菴秋光媚孤旅

元福宮

出屋聞遠籟入門走長松粘天百頃濤下有掉尾龍長養紀何朝云自明武宗

迴鞭促斜照紫翠凝西峯

次韻送卓履齋

等輩風流滿座傾不因入洛占時名
半年旅跡萍漂斷八月邊塵雨洗清
家遠窮交愁易別路難歸計羨先
成長橋兩岸蘆花雪畫裏扁舟一纜橫

次韻送周林於歸梅里二首

結客曾經汗漫遊雁風吹落鬢絲
秋誰憐豪氣除難盡脫却征衫去叱牛

燕昭臺側酒壚傍別後親知半在亡
傷青士分虎也重向溪南揮老淚
十年孤客始還

鄉

次韻送高念祖遊晉中

一天霜氣上征袍獨雁離襪愛羽毛
惆悵黃花燕市酒送君時節近登高

天寧寺觀塔燈聯句

同後一首亦刻曝書亭集

秋風鳴枯槐斜日薄西崦
徐善並馬入寺門客衣冒菴藪
朱茂于焉展嘉覲一咲

輟鉛槧

高佑

巡檐禮紺塔卓立大且儼

朱彝尊

陳丹和暗粉古色剩渲染

魏坤蹟仍

開皇舊函并舍利崦慎行 一十三重檐檐風鐸颯善蟠楹蛟躩踞負楚鬼瘠貶

明茂飛梯絕階級白石奪琬琰佑銘鎔金范為燈設砌架成广善壘壘仄蜂房歷歷

覆蟹坤怖鴿棲難安一夫敢走險慎行 綆缶挽膏油豆火發星燄善初如螢尾

炫忽若獸目睽茂或如爐枚炭或如竈炊栝佑銘須臾繞扶欄散作四百點善虛

堂鑿纖毫老樹失掩冉坤置身圓鏡中交光不可掩慎行 氛煙看直上樓閣時一

閃善鼓鐘聲遠聞來者紛襜褕茂提攜及童嬰羅拜雜寺闍佑銘營營各有拔邀

福得毋詔尊禮義苟不愆寸心又何慊坤玩物隨所遭誰能束崖檢慎行 宵分梵

放歇漏轉人散漸善茗椀坐屢遷松關啟還店茂調 衰年疲倚徙禪榻擁衾篔佑銘

弦月墮側輪濕雲俄淅淅尊驟驚山雨來昏夢豁嚙鬣坤晨興矚林端餘爇尚

未斂慎行

九日雨阻天寧寺聯句

仁王塔祇樹林客九日期登臨朱尊 木蕭蕭雨霏霏泥滑滑愁人心慎行 馬毛縮

魚潦深行躑躅坐沈吟魏坤 日月逝年光侵去者昔來者今徐善 別苦易思難任樽

有酒且酌斟

高佑

脫我帽披我襟折黃花試共簪

朱茂

送次谷兄南歸次汪東川祭酒韻

慙來那得久淹留八十高堂已白頭
布被一床空戀別人門半刺肯輕投
黃沙草接新霜路紅葉燈移古渡舟
算得過淮天氣好初冬風日尚如秋

送江補齋侍御巡陞長蘆次禹平韻

析津脈絡聯神京白河南注駛且清
天開地坼三百里樓櫓突起高崢嶸
晴煙晝騰氣靄靄刻漏夜下聲丁丁
雄關屹立當海口鯨呿鰲擲誰敢撻
雲帆舊轉吳會粟鎖鑰西北收專城
洪波浩漭百萬頃坐令魚鮪無滄驚
設官豈徒重筦竿畿輔要借桓驄行
我聞利藪俗爭鶩豪猾勢得操重輕
大賢當道積弊去不貴驚猛惟廉平
燕雲趙魏達齊魯管內九月催王程
蘆花雪輕點別酒柿葉霜染飄前旌
此時送君乘傳出四境藹若春風生
鹽梅往往調鼎鼐竚待妙手歸和羹
野人留眼望天際法曜正傍台垣明

王孟穀重至都門

我亦騎驢客粗知行路難六年三見汝辛苦渡桑乾

敬業堂詩集卷十